



序

往予遊雲間獲交夏瑗公先生歡相得也先生負濟世  
重望忠誠孝友肺腑洞達文章名節炳耀丹青迄今劫  
火灰沉萇弘碧冷酒闌夢覺追憶緒言不禁泪下嗣是  
燕山邸居見先生作令閩時所首拔侯官許子天玉天  
下士也其竒藻天發鵬遷海怒神標挺特波瀾灑漾又  
手擊鉢千人自廢因歎先生知人能得士又如乎門  
牆風儀儼有存者思先生而不見見天玉如見先生焉  
迨後備儲三山余與天玉尤歡相得無間天玉每怒忽



別去余未嘗不以思先生者思天玉適者天玉車駢馬  
騁復過於關山隴水之間潦倒宦途欲歸無計出其鐵  
堂詩若干卷見示取而讀之判年為集無體不備升沉  
感憤可涕可歌變而不窮故而愈細至於侘傺雍土馳  
驅邊塞之作莫不窮覽山川熟視形勝指兩河於掌上  
收六郡於目中臯蘭高闕想衛霍之遺勲同谷原亭繼  
杜陵之遺響閱歷之奇境盡而詞章之能事亦盡矣余  
每見世之貴游膴仕其烜赫不可響遏轉瞬之間聲隨  
影歇而憔悴苦吟出風入雅者偏卓然自命於數十百

年之後嗟乎以天玉之才之奇而宦不達不誠可慨耶  
然數百年之後之人必曰天玉之才之奇如此又必曰  
天玉之才之奇而不遇如此不無徬徨感歎倍致愛慕  
而鐵堂之詩將與瑗公先生文章名節並重天壤今日  
者即名卿虛左一歲九遷以予觀之揆其得失斷不以  
此而易彼也矧自今以往天玉歸老於九曲三山之巔  
劈荔支拈春酒引年服食學道采真夫且才華摧盡而  
與至人仙客共吐納於清虛縹緲之境又何升沉感慨  
之足縈其念慮乎予將相從而賦遊仙之什矣櫟園周



亮工序

予友洮陽吳信辰能詩好古手一編示予紙腐敗不可  
伸展行間點竄已多不可辨曰此鐵堂老人詩草之半  
也予受而讀之參補其缺剝者正其偽訛者得詩自八  
卷至三十卷又為後集一卷錄而序藏之曰少讀漁洋  
山人雙松詩即知閩中有詩人許鐵堂者現官南安見  
其述憤之作悲其遇聞其客死隴右有遺子係在禮縣  
往求之不可得問諸故老則無有能道其邱壠所在者  
悲夫鐵堂以海南貢士論交四海與一時黎獻者英倡  
酌風雅爭日下名當時如新城伯仲之間耳乃新城聲



華滿天下數十年後學者奉為宗匠其詩幾於家絃戶  
誦而鐵堂獨廢死於窮邊山縣之中竭生平心與力之  
勤所為文章亦與身名俱滅至於埋沒糞土覆甑糊壁  
於村夫嫠婦之家無有人過而問者豈不悲哉鐵堂之  
詩沉雄富厚組練雕飾一歸於老成於閩中詩派稍為  
變化不甚規撫唐人而骨格堅凝精光迸露要足以流  
傳不朽惜其獨廢死於此地也竊觀古來詩人所在多  
窮困往往自附青雲之士其人文亦遂聲施後世如有  
明前後七子徐昌穀謝茂秦諸人是矣鐵堂與漁洋往

來最久而同時詩人如鐵堂者猶多若有人焉收拾其  
散遺以新城為崆峒滄溟牽連諸公以俱傳亦一時文  
獻之光也予老矣還以問之信辰  
乾隆癸酉十月蔚州後學閻介年書於酒泉之澄鏡山  
房

自序

余甫至安定與諸生相見畢便督課文字諸士魚魚雅  
雅中有昂然而前者進曰夫子案上詩稿乞一覽余亦  
不問其姓名遂與之既而論定文字拆卷第一即屬前  
日索詩者迺知為正言杜生關隴名士也嗟乎文章有  
神交有道如此乎自茲過從無虛日商訂古今辯論風  
雅余每手一詩便呼杜生來杜生曰此為騷此為蘇李  
此為曹劉此為鮑謝此為初唐此為盛為中為晚此為  
宏正七子此為嘉隆七子覺杜生有全詩在其胸中而



余一行作吏詩日益退慮無以當杜生者而杜生不厭也嗟乎余向者負一布囊歷遊吳越齊魯燕趙之鄉與鉅卿雅士擊鉢刻燭旗鼓角壘爭相雄長每一篇出輒傳布海內而余頗磊落自喜不肯一語寄人籬下不肯一字拾人唾餘今其詩具在固天下所共見也天下詩人孰有過三原韓固菴宣城施愚山濟南王阮亭者乎二三子皆吾友也阮亭書云讀鐵堂詩沉雄孤峭愚兄弟私歎百餘年來未見此手愚山序云許子之詩絕不屑為靡郁之言堅骨強氣怵肝裂腸驚倒五嶽排蕩八

極才調激越風骨道上又豈從人間來乎固菴序云天玉詩氣雄力厚如崩巖猛獸森乎其不可攀凜乎其不可犯君子觀其言即其生平之魁壘博肆亦可見矣合二三子之言而觀之余詩而不得杜生二三子已許我矣今晚而得杜生杜生曰吾師全詩氣格力追盛唐而豎言命意亦宗騷選鑑乎宮商之間後世其必傳也夫嗟乎余抱檄入秦本非其志秦中近代詩人如空同可泉不得復見矣邇皆推固菴固菴作古人將十年余風雨晨夕覺向者與固菴二三十年兄事弟畜湖上促膝



都下譚心髣髴髣髴有如隔世。余數年垂頭喪氣銜枉  
被讒風雅之事盡矣。今晚而得杜生向理。余於訟近裏  
余於難將余二三十年所為詩坦險異情悲愉殊托遊  
若干首而錄之曰。夫子旦暮當離此。詩才不得長侍左  
右。見夫子之詩如見夫子。云嗟乎杜生之意厚矣。但吾  
友固菴愚山阮亭二三子皆今之能詩者。以能詩而知  
詩。杜生知詩自不讓二三子。余願杜生之詩將來當與  
二三子同垂天壤也。杜生勉乎哉。  
康熙庚戌立秋日 閩中天海山人許珙撰併書

黃河龍衣舟上看月詩自序曰。余乙未下第出都。夏六  
月十三日附某新貴貨龍衣舟南還。抵臨關。貴人告余  
先行時困頓尾瑣不得捨舟。他適日對黃頭諸郎自覺  
面孔無賴啞然一笑。及出黃河則秋八月初九日也。由  
董家口入通濟閘。僅一百八十里無風。一日可達舟移  
風作汨汨相遭。石尤震天排蕩。山嶽辰興申息似有鬼  
神制其柁牙者。迨夜則水月瑩晶金碧一色。陸離萬象  
森森乎河漢之無極。雖起元虛景純莫能寄其詭竒窮  
其形類。何況昔人登樓舒嘯。余視之不過顏唐老態耳。

自初夜至十八夜月事將畢迺始槩榜予南方之鄙人  
也何以得此賦詩十章厥游侈哉  
豫章詩自序曰庾信江南之賦蘇軾嶺外之書君子去  
國懷鄉撫物興慨矣余寓姑胥逾年不得歸春仲買櫂  
入鄧尉看梅一路寒香疎影應接不暇玉圖金剝交映  
於環螺烟樹之中余悽然曰何其似吾閩風景也於是  
從盤螭故道出京口抵豫章時春江如練一葦萬里吳  
陵楚岸戀我歸船既而湖水初平廬山真面目浮浮其  
上余二十年所夢見者今日奚能放過至于落霞秋水

未免王平安獨有千古神風直送夫豈偶然余于畫棟  
朝雲珠簾暮雨之句三致意焉使酒猖狂惟恨都督閩  
公之盛筵今不再耳計詩若干首  
丁酉錢塘詩自序曰余先後齋油素經西湖皆草草而  
過者以未有主人為之東道也是歲河南范正老建節  
茲上聖秋修遠亦接踵至馬二十年同譜兄弟停鑣維  
轄左右牽挽又有仲木子問劬菴吾瑾六鈐真源文位  
與可其修會盟之好余同韓顧二子寒暄蕭寺併食易  
衣日必出出必舫舫必詠詠必醉其得與諸名士酒旗



歌扇劇泛豪攄深月積雪移丙達午忘其身之在萬斛  
琉璃瓶中者范使君之力也昔歐陽公修謝公絳輩全  
游嵩山抵龍門大雪忽有官騎波伊水送歌妓至者奉  
太守錢公惟演傳云山行良佳諸公幸留龍門賞雪勿  
遽歸也使君得毋類是計詩若干首  
旋閱詩自序曰余前歲下第後浪游齊魯少陵臺畔與  
愚山相遇愚山曰爾有母曷歸乎因數言別去忽於臘  
月大雪中一騎從千里至乃愚山使者遺美金華繭而  
去嗟乎愚山念朋友之寒而及其母其天性已可見矣

余拜其高義達旦即行逾春渡江始聞再試之信嗟乎  
假使余山東不歸或得便道入京師遇不遇未可知也  
亡何吾閩再上公車者多為江驚散去豈非天哉余是  
歲以不作落菟遠游詩為喜雖然亦豈敢忘愚山言耶  
計詩若干首  
里游詩自序曰古者燕會之詩栢梁君臣迭奏藁臺賓  
客互賡邈歟盛矣至於建安崛起娛情公讌是時二曹  
龍攄羣子虎峙荆隋照耀羅菟青壤今讀芙蓉諸什誠  
倡和之芳規而鼓吹之麗則也厥後蘭亭紀序王謝風



流生多同地後世罕及焉予三月三日與同里諸子先  
後為西郭之游曳裙拖屨分棚據席花坪竹塢之間詩  
劇酒巖聲琅琅滿天地知者以為懷古遙集不知者以  
為蕩然耳嗟乎人生行樂耳治春風日布衣故無聊欠  
亦何必華爵貴胄玉園金谷乃謂作達哉余詩曰笑我  
年年逢上巳科頭無藉百花中以視永和修禊似恨古  
人不見余狂耳計詩若干首  
金臺詩自序曰數日不見思子為勞况三載而一覲耶  
余同年如聖秋子餐端士幼輿伯咨無損亦世季凝咸

先後奮跡高視上京矣若僕僕三載必一至長安則有  
小范懷人穀子修遠岱觀漢東山長君亮何異五父之  
人抱壽夢之鼎于市有不更鑄而售者乎是歲至者只  
小范山長全託跡齋壇相對三四古松而譚灌邨太史  
又屬其門人申子叔旆張子南溟日與老生游矣時余  
思學古人捧檄而喜忽大風雨中叔旆過余曰以君之  
才不得取一高第固是咄咄怪事但此時百里安可為  
耶噫叔旆之愛我如此以此知灌邨庚子江南所得多  
君子也計詩若干首

按鐵堂詩判年為集各有小序今始順治乙未迄康熙庚戌僅得六序餘俱遺失矣其山東詩一序則已載雙松歌之末云後學吳鎮謹識

鐵堂詩草卷上

關山月

天海山人閩中許  
秘天玉著

後學

狄道吳鎮信辰錄  
金匱楊芳燦蓉裳選

臯蘭一片月皎皎夜如霜聞笛聲逾苦當窗色倍黃秋

風吹隴水閨夢傍沙場愁絕從軍者何年罷望鄉

江南曲

江臯連畫舸撥刺弄烟波隱隱隔花語微微鳴珮過香

閩許秘天玉著



風吹暗麝明月唱來羅水上莫愁宅含情子夜多

二首風格在景龍  
之間楊蓉裳

懷人

珠箔銀箏度歲華新粧綰縵五侯家夢魂古苑方闌草

時節春城正賣花玳瑁堂中栖白燕胭脂山下落紅霞

相憐記在寒塘月一水深深近若邪

秀逸不減高  
青邱蓉裳

寄陳夢巖給諫二首

虎門雲物鬱巒岼碩果孤臣海外天古岸青霜生氣魄

早朝紅日奉心肝天高萬里尋詩路衣薄三春驗酒癡

聞爾近鄉多勝畫何時共擘赤螭盤勝畫荔  
支名

携家東去路漫漫何處高鴻托羽翰隻影大荒觀白水

寸心遙夜問黃冠管寧木榻真名士杜甫麻鞋舊諫官

為語同時隱君子于今熱血向人難

芝山寺故址

却怪祇林逢壞劫遂驚硃火失靈源石壇烏下尋金鉢

寶塔人來挂玉播竹爛已空三諍地蓮枯難挽五宗魂

阿奴枉起昆明社颯颯行吟白日昏



公車出西洪二首

一旦棄漁釣馳驅違故鄉  
居親陳祖醴游子裹行糧  
水

碓厖眠月山槽馬嚙霜  
駕言將萬里吾夢止滄浪

豈不戀閩徼會須沾洛塵  
白雲輕去國紅豆暗傷春  
徒

旅隨行少山河入望新  
何當謝郡邑一問武陵津

哀建溪四首

建安雄上郡邊騎且南征  
不信黃龍誓空行白馬盟  
猶

存練母廟莫救越王城  
過此真留恨飛鳶夜月橫

旅軍當四塞戰鼓震龍蛇  
烏喙三千士黃頭十萬家  
徭

丁驚勅勒漢女怨琵琶  
割據終抔土空遲蹈海槎

急浪投鞭處通都萬里橋  
溪丁無戰鬪蠻府自雲霄  
祇

為神僧悞翻成大將驕  
可憐楊伯起虛挿侍中貂

南陽佳氣盡島帥出降播  
豈有營三窟猶思出五原  
赤

龍迴帝子白馬没王孫  
孝穆諸兄弟焚家通濟門

水吉舟中全竹西彭陶暇守歲

中原猶未達一月在風波  
晚泊人烟少殘年賊騎多  
客

心依古堠春色到寒蓑  
蠻地填兵甲何時縛尉佗

謁西山真公祠

丞相祠堂俎豆新  
森森松柏不勝春  
南朝議論多韓賈  
猶幸先生是小人

元夕綠波樓對雪

侵簷撲瓦融融濕  
打柳沾花滾滾新  
山雪高樓初作客  
酒杯令節暗悲春  
此間夜色寒如水  
何處歌聲細若塵  
蛭縮袁安難穩卧  
夢魂懸遶白頭親

梨關晚行

雪淨花明馬上看  
春風吹客去桑乾  
鼉梁天削雌雄石  
鳳嶺雲開大小竿  
尚有花符成大澤  
漫言鎖鑰寄層巒

蕭條何處聞羌笛  
新鬼斜陽哭戰壇

三衢道中

雙橈孤繫狎鷺鷗  
二月舟行却似秋  
野竹青圍臨水寺  
園花紅映讀書樓  
鷄鳴仙嶂微微見  
虎渡官河細細流  
姑蔑神靈何處望  
夕陽荒碣戰功留

浙江

浮生尚飄泊  
又作渡江人  
戰守留殘壘  
經過屬暮春  
湖聲猶向越海色  
更通閩不是任公子  
蒼茫望古津

西湖

許秋玉著



錢氏詩草 海派詩金

天險錢王府春深西子湖空濛成大澤佳麗領名都銀

鞋來調馮珠弦去射烏此時歌舞歇愁絕酒家胡

畫出南屏好風流濬鑿功水心今古媚天目帝王雄蛟

日開飛鏡長天挂落虹平生游覽意於此正無窮

贈吳中二較書一為嶺南李蕪一為太原劉管皆

名族也遭亂至此

去國各含顰紅鹽調絕倫真珠原產粵美璧總歸秦夕

舫秋如水寒燈菊似人曲終叙家世流落倍傷神

高雅屏去浮  
艷蓉裳

吳門送陳開仲徐存永之白下

信美非吾土如何輕去鄉故知無盜賊大半在風霜歌

人吳闕壯思同楚水長秣陵才子地到日有文章

鶴占署中看牡丹

花事清平好衙齋荀令閒綺霞明薛水丹日畫包山定

是分三晉還應到百蠻越牡丹初產汾州吳春風漫吹落

梅客正開顏

端陽日集龔扶搖抱江樓觀競渡全扈芷上人限

韻五首之四

閩許秘天玉著 海原園少



書聊自佩鼉鼓莫頻過橫海蛟師近何心油壁車	佳人若綺霞行舸胃銀沙過烏白衝竹鳴蜂黃上花蜂	渡還纏綵行吟獨岸巾王風餘越國君子六千人	兵火阻歸閩偏驚時物新江鳶防五彈塞馬蹂花茵飛	廟沉碑出山園晒藥多中流聊感舊不忍聽來羅	鼓擢下江波香蘭紉若何湖腥龍乍闔日暖鳥常歌野	鯉蠻姑送黃龍鄂帝愁謹闌沙柀上何必古揚州	江嶂列丹樓雄風雜楚謳乾坤懷采葑節序值垂榴紅
送王虛白歸德平							

春歌扇急落月舞衣遲無那彈天寶臨風起暮思	如憐行路客莫唱竹枝詞柳暗梁生塚花深伍相祠迎	路潮初落虛村火獨紅那堪狂杜二愁絕樂遊東	輶輶江南渡懷人蘆雨中夢尋如在水吹到不禁風細	江舟雨中懷孔二較書	萬氣可挹	水行人福關梁隱士屋還家從歷下為我弔滄溟	江上送君日夕陽秋一亭遊乘招鶴舫歸帶種魚經山

湖上坐月有懷鶴占憶別時屬余尋蕪小葵處

獨坐孤山月清光總似君天連一片水人隔幾重雲泉

細空中落梅寒靜裏聞澄波凝夜色何處認蕪墳

高絕非孟襄陽不辨此也蓉裳

過釣臺作

乞食自吳楚先生相念無抱衾春水正洗劍夜星孤祠

廟臨荒甸山河憶壯圖行藏殊未卜隕涕出菰蘆

答同年黃石菴侍御

千山烽火獨愁予此日荒閭有致書亂久天心方見雁

哀深民命盡為魚張華易老三年劍趙壹難登萬里車

戰地尚留朋友在春風加飯海西廬

西湖訪王竹子

散髮枯筇問酒徒老漁指點出菰蘆山雲漠漠惟依寺

野日荒荒只抱湖板屋琴聲人獨坐柴門花影鶴相呼

案頭寂寞悲秋士不信功名是棄繻

大梁

春風吹曉夢鞍馬向夷門白草霜初落黃河日易昏丈

夫身到此便欲報人恩不見魏公子悠悠登古原



宿雙溪蘭若兼示持公

白雨三溪夜黃冠一社人聞鐘依水剝乞火至山鄰  
花落二句亦可稱  
落驚虛夢城荒憶故春十年戎馬地常與遠公親

花朝過幻公湖心蘭若兼訪用始

西爽連初地林居草木清竹陂春繫馬花嶼午啼鶯  
澹天形影山間佛性情還期促歸旆恐一犯嚴程

房櫳帶林薄絲管出遙空魚網暮烟碧酒旗春水紅  
行人千嶂外僧住百花中歌舞餘銅狄悲風泣故宮

送楊光美明府二首

解官初去越萬里遠歸秦蜃氣海城夕猿聲山驛春  
旌辭里老拭淚慰家人却愛萊蕪令風流在食貧

咸陽芳草春西望一沾巾白水知楊震青山送許詢  
言薄宦日且作遠游人壓石歸航穩行行出劍津

送用始再游廣州

烟火望漫漫殘春上劍灘食魚為客好賣犬出門難  
癘仙城濶烽烟霸國寒山川推百粵不似昔年看

彭州圍甫解櫟園方伯有城上感懷詩見示敬和

四首

大風吹入海	西笳積水鴻	濛曉祭牙百	室民依新赤	烏
三春公在舊	丹霞日中虎	旅方乘障天	外鮫軍已渡	槎
倒景城樓諸	將醉雙亭官	燭誦南華		
建德城頭鉦	鼓遙東臨虎	渡赤虹橋大	江春老人橫	槩
故國天高鬼	射潮鶴磧析	聲迷日月龍	溪烽火徹雲	霄
幾時遠徼安	耕鑿兵氣冥	冥太白銷		
春水靡蕪冷	戰場飢魂白	日海城荒蕪	栖高壘三年	火
馬踐平原六	月霜道左人	迎賢僕射軍	中樂唱古臨	漳

天狼此夜光	芒靜銅柱遙	連征路長		
瓦屋濛濛不	集烏旌旗迢	遞島山孤飢	驢破驛為王	事
細草新花作	戰圖千里葛	茭親日午一	時賓客坐城	隅
從軍自古推	名士可有袁	宏露布無		
萬壽橋				

北風吹滿大	江寒立馬蒼	茫淚未乾去	國三年歌白	紵
還家九日戴	黃冠輕舟楚	岸乘潮急茂	草周原行路	難
卜宅滄溟何	處是秋心歷	歷傍魚竿		
北山看楓葉	兼贈心公			



思秋秋思苦縱橫薜荔門深愛晚晴  
 古屋青燈千佛坐  
 亂山紅葉一人行壯游久抱盧敖志  
 薄殖終成許汜名  
 此日欲騎蝴蝶下同叅身世悟無生

作好句似蓉裳堪

竹醉日東寺漫述

結夏萬山前鳴蜩別樹邊林紆青雨斷谿  
 複白雲連選

竹頻移榼尋花屢就船閒情比鷗鳥身世已悠然

答程周量會元

五勒頻過荒寺鄰論交燕趙獨予親清時自失彈蛟客

薄命誰憐射虎人獻策已懸雙闕麗投詩更擅六朝新

琅玕每到吟君夜舊雨空塔點數巡

秋舫曲十首之四

一曲歌橫易水東老楓覆岸夕陽紅西風吹動寶琯弓

日暮扁舟楚火流何人寒笛岳陽樓聲聲吹雁上衡州

銀舫赤鯉光盈盈枯蘆煮酒江漢清老漁夜坐北斗明

鴛鴦繡水合歡花吳姬十五來浣紗玉顏冉冉如朝霞

四首極古

寄林新樂彭叟

行將畚鍤殖東菑  
 美人嶽北種花時  
 官清秋水迎鱗少  
 客倦燕山去馬遲  
 幾得同君河朔飲  
 先天陵下讀殘碑

秀句如李東川蓉裳

寄邱香河小魯

日暮高台散馬羣  
 橫門誰市長卿文  
 落花小苑難留客

行李中原欲累君  
 十四燕陵沉夜雨  
 八千閩海斷春雲

時久絕 敝衣縫盡過寒食  
 易水行吟筑裏聞

信鬱頓挫令人不厭

百回吟也

蓉裳

礪松詩 有序

慈仁寺古松十二非人間  
 物予游燕則嘯咏于斯輒

未能成詩昔人有云作名山水詩要配其山水之神

竒高妙所以為難松不當如是耶乙未春復至燕而

王子雨若方子玉如已有弔松詩謂夫不生清泉白

石間而溲洩雜聞傭僧偈處殊溷出塵面目也鄧子

孝威已有賀松詩謂夫尖霜黑月驚沙繁火之餘歸

然獨存不與夏社同墟也吳子玉隨已有慰松詩謂

夫高風諛諛大都通里之側猶為佛仙之所棲息帝



王之所拱護名卿雅士之所瞻詠也韓子聖秋吳子  
岱觀丁子野鶴已有對松詩謂夫亭亭不為偃折粼  
粼不為傀垂冥冥不為侏腐真韓陵一片石難與俗  
人言也嗟乎諸子各出其性情以與松遇蓋亦盛矣  
三月之望與陳子元公義扶黃子嚮先映紫彭子旦  
兮張子雪葑旭源王子穀子懷人亦世山長白虹朱  
子周望稽子淑子吳子錦雯施子愚山劉子小石社  
集其下倚松而哦許子曰是青青者保爾貞姿與爾  
巖性亦可以無媿于時矣于是乎賦礪松十章

不知何代植高倚接穹窿老節擎明月寒心立大風榮  
枯依絳闕興廢閱丹宮萬古幽州地山陵霜露中  
深院松花起無人觸寶幢神龍天上六化鶴日中雙山  
意青歸寺濤聲綠過江殷勤謝封秩不為帝秦降  
豈不凌霄漢鶯花春自知人情空薄弱天步轉高危吹  
物無涼燠居山有歲時何年餐玉苒乘蓋上峨眉  
英特羣情伏高清泉慮無未遑狗玉隊還許障金鋪深  
院眠黃犢頽宮起白鳥毘盧千里日縹緲嶽形孤  
蛟龍吟絕澗花雨下虛壇天矯朝天近迴旋拔地寬野

夫來坐卧衆美逼高寒神武門前物今看亦已殘  
乾清銅馬禍翦伐護仙根雉尾黃雲亂蠅頭白日昏  
下市其入門如好友流水即空村凋歇秋槐落難招胥井  
魂  
元氣收恒嶠清虛鎮大千齋居宜繡佛修影故橫天寒  
動湘江竹晴搖華嶽蓮石壇明月在曾照烈皇年  
平臨珠網出傳說自金遼萬歲花爭媚三春柳暗凋天  
風時入梵山月夜聞樵過此逢宮監含悽話聖朝  
徒倚參寥夕鐘聲出上陽承盤圓曙露拂塵肅秋霜鳳

粒餐金母龍鱗捧玉皇不知元氣薄臣老在遐荒  
菁葱如羽葆老氣鬱金藍四角深埋照千章靜化嵐飛  
香迎石鼓結子落金函不作冬青樹枝枝盡向南  
太司成王公敬哉招宴園林  
鼓吹五雲西通莊王騎嘶飛花銜白鶴垂柳坐黃鸝酥  
酪擎春饌櫻桃出御題琅玕老賓客待賦月如珪  
讀過石公尊堂節孝傳賦得惠水清  
春風吹動蛟龍蟄過君成名年五十黑頭留滯承明廬  
背人淚滴宮袍濕紅綾賜餅多此思鞠字艱難水蘂姿



映月好成賢媛傳張燈高讀孝娥碑昔母手持綠玉斧	搗藥和熊織暮雨幼勞為父兼為師白水應知母心苦	九龍之鄉錫山泉金鰲背冷浪花穿挈餅拂籊取寒冽	素質豈作波濤遷棲神停影貯霜雪不供鹵飲貞以潔	娟娟行地無濁聲一洗天海長暘熱此泉何其清且仁	吹潤萬物多酸辛既感彭修之令子復鑒陸羽之逋臣	嗚呼君不見菩薩泉臙脂井香乳不來哀斷縷六代鉛	華烟草冷止水泠泠發深省	河干晚眺同周鷹垂
-----------------------	-----------------------	-----------------------	-----------------------	-----------------------	-----------------------	-----------------------	-------------	----------

吳下周郎在帝鄉少年詩賦掩長楊才人彩服秋曹冷	公子瑤革水國香 <small>時侍尊人比部在石棧短歌行蒨蘆</small>	玉河新雨戲鴛鴦貫雕射虎同朝暮應笑侯生老更狂	送王印周還雲間	策馬出金閨才名顧陸齊秋隨江左燕夜憶汝南鷄青	翰高沙磧紅綾敵玉題刁鐃鄉思切只隔泖峰西	將之盧龍賦別劉覺岸比部	上書不得意此日雅依劉 <small>余卷為比</small> 射虎行遊域呼鷹	出塞樓春風踈越箭秋水老吳鈞莫謂楊雄薦強過得
-----------------------	---------------------------------------	-----------------------	---------	-----------------------	---------------------	-------------	--	-----------------------

益州

送同年李中悅歸富平

執手為君唱渭城  
玉河春柳禁門鶯  
雨沉石馬三山杳

天遶金蛇八水明  
白壁獨遺聊捧腹  
黑裘同敝總關情

茂陵帝子風流在  
肯使游梁賤長卿

留別張雪葑侍御

襍被河關夜黯然  
故人尊酒上戈船  
張網漢法埋輪日

許武周原荷鍾年  
楓路霜紅寒鴈啖  
蘆溝月黑老龍眠

知君十載居官冷  
猶為長途減俸錢

留別鷹垂次來韻

朝來放棄罷高吟  
老大徒羞華髮侵  
狗監已多妨薦語

龍門真有倦游心  
秋風玉筋空闕塞  
落日金臺自古今

明發別君轉惆悵  
不知何處更招尋

滄州道上喜舟人  
摘荷花歸供之瓶中

攬涕出京國微名  
恥高弋行軫當南  
馳日下盧龍仄停

橈在水坻觀物鄙  
孤特大化颺暉滋  
羣昌競苞植灼灼

金莖姿涓涓玉華  
力草水有嘉名池  
塘照顏色采采野

人情豈不悅令德  
瓷瞿多脩蕤所思  
在芳域



河上秋興二首

大漠	蒼烟	九點	多橫	流天	塹賦	詩過	三年	作客	皆經	嶽
萬里	依人	亦渡	河上	代陵	園蹲	石鼓	中原	豺虎	動瑯	戈
扁舟	一帶	惟秋	色欲	贈瓊	瑤奈	晚何				
瓠子	中流	白浪	多蘆	花飛	槩老	漁過	玉鯨	曉霧	吹高	壘
鉄騎	秋風	下大	河温	室羣	公還	賜席	牙門	諸將	漫投	戈
行吟	我自	悲搖	落少	壯悠	悠能	幾何				
馮訥	生屬	序新	藁							
行吟	盧水	上蔓	草哭	王風	大雅	知何	日中	原有	此公	彈

河上寄韓固菴

蛟秦	望石	射鴈	晉陽	宮到	處驚	詩賦	疇堪	序左	冲	
十年	復向	帝京	遊寥	落金	門索	米秋	西掖	名花	供判	事
北陵	荒草	對含	愁客	心遠	泊烏	龍水	<small>前寓金陵烏龍潭</small>			
官火	間吟	丹鳳	樓詩	賦似	君真	絕少	才人	自古	重秦	州
河上	寄施	愚山								
僊郎	大雅	振鳴	珂此	日相	思下	濁河	乘傳	才名	天下	少
驚人	詩賦	粵中	多愚	山有	使孤	舟野	火吟	鸚鵡	古戍	寒
刁散	駱駝	不盡	蕭騷	蘆荻	月欲	乘秋	色敬	亭過		

閩許秋天玉著

海源閣

逸氣橫秋  
蓉裳

河舟有阻喜值嚴覽民計甫草蔣廷彥家祈年

齊東纜放旆趙北遂揚舲海白秋飛雨河黃夜渡星水

心潜翹翹士氣賦俳伶辛苦南征客垂頭讀劍經

武城七夕寄內

瑟風吹碧練瑤露團朱林采采武城下門巷聞鳴琴征

夫葛衣薄江漢芳夕臨流光胡颺忽天街翔衆禽仙彩

亦既駕何必悲辰參銀查度杳杳翠旗垂沉沉星期動

閨闈脉脉陳華鉞神靈鬯瓜果監茲良夜枕佳人閑繡

戶纏綿萬里心金刀裁霜素玉腕停秋礎無衣怯行旅

言念闕塞深明河遙相望契濶淚橫襟

可追謝法曹何大復矣吳松厓

挂劍臺

乘輶稅修坂驅馬登高臺員曦當西陸徐公安在哉延

陵遜國彥慷慨事八垓肝膽照古鐵片言貴匪回秋墳

竹霜素行子多悲哀我有昆吾產十年委塵埃中原無

壯士神彩鬱不開藤花曳荒麓風義空徘徊

登岱四首

閩許秋天玉著

海原



上書慎勿言封禪元鼎君臣祇小康	日月精垂鄙黍香望遠蘼蕪占白馬昇高迢遞跨青羊	黃帝經遊亘大荒齊州點點入秋蒼雲霞壯出峰蓮小	到來萬里滄溟客回首吳閭足練中	大國泱泱表古風青海玉圭誰狎霸黃陵金簡獨標雄	震旦光華野日紅含靈羣有胃浮空聖人屹屹崇明德	起視賢君七十二清虛何處更乘鸞	大羅飛雨濺秋盤珠泉組練中峯燦瓊島襟裾上闕寒	天門丹碧挿巒岿翠色東來彩筆干高蓋流雲圍古峙
----------------	-----------------------	-----------------------	----------------	-----------------------	-----------------------	----------------	-----------------------	-----------------------

芙蓉員頂鬱紆盤幾得凌虛刷羽翰種藥雲中金掌秀	賜書天上玉毫團旌旗海蜃迷秦輦簞簞山鼯鼠漢壇	縹緲六飛今不見蒼梧黃竹未回鑾	過于鱗李公墓下作	中原莽蕩氣雄哉大雅淪亡蔓草哀寒棗霜紅譚子苑	秋瓜月白伏生臺前靈自蟄麒麟塚後哲誰題鸚鵡才	手討荆榛無片石諸陵風雨忽西來	白雪樓尚有遺響滄	溟為不亡矣蓉裳	濟上得杜湄村給諫書草
-----------------------	-----------------------	----------------	----------	-----------------------	-----------------------	----------------	----------	---------	------------

持來雙鯉剖輕舸永夜孤吟泚水高北地漫愁知己少	中原獨數杜陵豪若將寄我玉華管何以投君金錯刀	夕省鶯花留諫草尚能重問舊同袍	東袞道中欲訪郭星鶉不果寄之	郭君冥鴻姿嘉遯振豐羽種花薄薊雲挿絃冷湘雨初郭	令遵化再下里賢人歸荒城擁豺虎好道無櫻心東山	采芳杜我生亦不辰襤褐足中土致身乏梁梁諧俗取	偃儻稅鞅下洪溝蛟龍或侵侮忠信照洪濤君子在河	澣欲涉月無梁欲脂車無輔奚以慰渴饑秋風吹襟襖
-----------------------	-----------------------	----------------	---------------	------------------------	-----------------------	-----------------------	-----------------------	-----------------------

網繆金石交大雅疇能伍濟水何湯湯漁燈覆高樹	魚臺舟次看湖內龜鳧諸山	涉塞傷願違踰河作形鞅偃息滄浪潯廼見魯山敞征	人曳葛屨逍遙薄蕭莽行當東湖秋員景互深廣翠巘	浮銀濤丹崖動蘭幌遠眺若有思精靈結虛朗涼飈媚	芳洲野胷盪羣象蒲艾無歲時北風吹魚網視彼臨淵	情高抗羲皇上側身達嘉吟中原空慨慷	黃河中秋龍衣舟上看月選六	河水鬱岩堯神鐙照寂寥權郎寒擁盾脾女夜吹簫珠
----------------------	-------------	-----------------------	-----------------------	-----------------------	-----------------------	------------------	--------------	-----------------------



樹黃龍障銀鑲白馬潮回看沉璧處流影胃秋杓	脉脉坐星查泠泠采石華饑蛟崩積霧浴鷺點團沙白	廟金燈香黃陵玉盃斜獨憐垂釣者縹緲在蘆花	林魄望將盈清光為獨行鵜鷓流夕景噤蟀變秋聲漁	網甘羅廟津旗項羽城中原餘弔古慷慨足平生	蟾影夾支機中天度六飛玉溝疏貢筏石闕晃垂衣臯	鶴乘秋啖潭龍帶雨歸持竿得雙鯉不羨武昌肥	杞室一憑陵千年感廢興闕梁廼獵騎驛樹覆漁燈玉	燕秋同度金鯨夜獨乘桃花靜如練欸乃下溜澗
---------------------	-----------------------	---------------------	-----------------------	---------------------	-----------------------	---------------------	-----------------------	---------------------

有客倚雕戈清秋瓠子歌銅池飛鏡小瑤海弄珠多星	佩凌朱鳳雲槎攬巨鼉百年幾良夜明月渡黃河	贈嵇叔子
-----------------------	---------------------	------

淮南有奇人鬚髯豎如鐵結交滿四方古劍鑄秋雪貽	我九種書背讀長吐舌腐遷與饑朔議論反得劣英雄	無文字文字在熱血
-----------------------	-----------------------	----------

人  
奇  
詩  
奇  
蓉  
裳

韓信臺前罷戰雲蘆花深處忽逢君着來東郭雙綦履	淮上值姚仙期
-----------------------	--------

拖出南朝六幅裙  
 氣骨岸如寧索隱  
 鬚眉迥若轉超羣  
 青城自有先人宅  
 擊鼓江頭想厭聞

想見兩晉風流  
 蓉裳

雨花臺下讀銅山  
 夫子詩

輝輝赤城霞磷磷  
 青澗石峨峨楚客冠  
 皎皎趙臣壁七

尺方枯楊迺在鍾陵側  
 魂魄化為水滔滔流不息  
 新人

易歡娛舊人難棄擲  
 紫氣散秦淮重陰變  
 烈日片碣留

長干行路為悽惻  
 寧同夷齊饑空山采薇  
 食上有萬古

墳悲風吹松柏

搵調險急發唱驚挺鮑  
 明遠之變體也  
 蓉裳

顧與治枉過云有湖田之累  
 即欲別去

鍾山野老石頭漁行灌湖田  
 手自鋤亂後攜家辭十廟

醉前行國拜三閭獨憐破業  
 隨流水尤悔虛名好買書

官稅逋亡憂不細  
 伯輿聞汝奈何如

鍾山詩次杜濬四首

孝陵陵上草淒淒  
 日落江南杜宇啼  
 金瓦久經麋鹿竄

玉環空鎖鳳凰栖  
 青氛大地歸斜斗  
 紫氣中天散鼓聲

一自尊靈茲永蟄  
 才非曹植敢重題



石人十二舊戎裝	繡柱參差咽夕陽	朱雀埭前無木桁	烏龍洲上有沙場	暮烽偵海邊	笳急秋燒彌山寶物荒	玉隊依然松栢老	銅駝零落淚雙行	御宿逶迤霜露寒	人間玉盃惜凋殘	新朝常護龍虎騎	高廟空勞獬豸冠	過闕謝朝揮涕淚	吟詩杜甫奉心肝	堆名金粟仍無恙	漫說當年勢翦盤	崩湍壞道鬱清秋	七孔橋前水不流	剩有黃花園石柳	絕無青鳥戀珠丘	經年置戶園丁散	垂老司香宮監愁	祇見長生荒苑鹿	月明猶自帶牌遊	<small>一作猶帶</small>
---------	---------	---------	---------	-------	-----------	---------	---------	---------	---------	---------	---------	---------	---------	---------	---------	---------	---------	---------	---------	---------	---------	---------	---------	---------------------

金陵放歌留別倪閣公馮訥生范正老

君不見江南庾信望鄉哀	我今登高縱酒憑吊不可一	世之奇才城頭鐵笛秋聲起	鍾山鬱鬱黃雲開	名士倘	徉鸚鵡賦美人縹緲鳳凰臺	中原亂離走杜甫側身天	地多懷古老大不作請謁詩	嚴韋諸公亦有數長干寂	寞舊六朝雨花繽紛問佛祖	丈夫但生高光時	縫灌平	平羞與伍君不見十廟之旁	功臣甲第連如雲	英雄氣	盡半醞菹我今青衫白袷歸	閩中勞勞亭畔多悲風	同時握手有三子	詩聲金石凌崆峒	揚子江頭與君揖雍
------------	-------------	-------------	---------	-----	-------------	------------	-------------	------------	-------------	---------	-----	-------------	---------	-----	-------------	-----------	---------	---------	----------

門豈是尋常泣玉塞寒霜鴻雁稀金陵野草牛羊濕吁  
嗟乎小人之役為有母肝胆持贈赤虹吐生不將相與  
神仙安能於悒守鄉土此去滄溟萬里間鯨鯢縱橫天  
狼煙七尺東還寸心在世入欲殺君獨憐思君日上武  
彘巔猖狂散髮臨高天男兒富貴貧賤各有適何時與  
君重話鷄壇年

王阮亭云揚子江頭以下無限感慨

長至大雪同年吳茲受中丞招飲園林觀劇  
高齋梧竹盡修名靜几樽罍見古情白紵忽增吳下色

紅鹽都變楚中聲歌成鸚鵡春喉細舞入蛟螭夜角清  
一自五湖身退後隱囊紗帽足生平

吳門陸同節扶令兄櫬歸里

殊方寒食暝朝烟柳暗江城送楮錢白帽牛車家萬里  
青袍鶴市客三年干戈阻絕行多難骨肉分攜夢易圓  
一望鄉關腸欲斷春令原上倍潸然

贈石生七叔

八口吳門歎旅羈伍簫梁廡事多竒看花水社身猶健  
騎馬山塘興不衰春雪自成高士賦江楓常助老人詩



向平婚嫁何時畢  
五斧行攜五嶽隨

五斧者許

滕王閣

賢王高閣倚崔嵬  
吐納江潮亦壯哉  
萬井朝霞連日出

八窻春水接天開  
仙人旗向西山見  
賈客帆從南浦來

一自風流歌舞歇  
千秋獨有子安才

西江新月懷熊二子布

鄱陽夜色動行舲  
蒼戍逶迤客自醒  
傷寂微茫留獨珙

破寒蕭索念空瓶  
沙銜鳧雁流痕沒  
浪狎魚龍戰氣腥

一帶湖田桑苧熟  
美人只是隔秋屏

放歌行寄采魯分

吁嗟乎宋子廼在徂徠之南  
琅玕之北吾閩相去七千

里有如蘇李各異國  
河梁一別幾寒暄  
共負布囊為衣

食闕徼修阻不停跡  
忽於盧龍之塞桑乾之河  
傲裘會

合無顏色吁嗟乎英雄鬱鬱志  
未得窮愁萬事填胸臆

既不能青蚨白鏹致身乘風雲  
又不能長鎗大箭負氣

行邊域既不能屠狗鬥雞荆高任  
俠追賢豪又不能攻

鉛執戟揚馬文章頌功德連牀  
痛哭大雪時東去姑尤

杳消息憶昔與君同為鶴占客水  
鏡山房播翰墨由拳

唱和有餘子未幾承明盡通籍獨不見沈君韶令美光	彩休文進講殿中直 <small>謂堂</small> 李君豪華峻門宇元禮南交	行整飭 <small>謂素</small> 又不可見顧君心胸嶮崎而磊落司空治水	桃花職 <small>謂見</small> 施君意氣慷慨而卓越八使澄清豺虎匪	嶠硯更兼王君與賀君繡錯神州奏茂績 <small>謂正佑</small> 俛仰	尚有田鬲淵與余上林更彈弋升沉雲泥烏足論思君	之甚恨不此時生羽翼今君科頭五松下不日不月泰	山側上窮蒼天之咫尺下瞰黃河之無極吁嗟乎宋子	老者不可測丈夫那得遇高光鬚眉早使蛟龍得
-----------------------	--	---	--	--	-----------------------	-----------------------	-----------------------	---------------------

送吳見末恤部二首

萬里星槎入閩風得上聞山都啼嶺日水怪匿溪雲負
-----------------------

弩雄南部揚帆壯北軍好生還更切圖畫報吾君
---------------------

三四生新蓉裳

旌榮臨蓬華光輝破寂寥故人攀去轄春水照行鑣赦
-----------------------

宵多秦獄平反有漢條風流美車騎歸日憶題橋
---------------------

秋警二首

重圍日紫大徵兵柁鼓聲中白髮生揚舶驚馳君子壁
-----------------------

登陴喜接丈人營 <small>時櫟翁守</small> 千鴻遠嶂三秋戍萬馬寒
--





可憐清夜裁朱鷺一曲漫漫海月蒼

洗兵銀海願還違猶自居東賦袞衣祇是陰符黃石會

還從秋夢黑山歸烽烟故國猶征戰瘴癘孤臣有是非

底事朝廷遺魏尚朝來復此駐旌旗

偉麗絕人  
蓉裳

高雲容索題小姬影影傳後五首名兆號固  
齋侯官人

字格金絲寫剪刀十年文史伴吟騷花鈿不是無情物

再訂他生繫赤繅

東阿詞賦本風流玳瑁空梁落月愁夜半洛神方入夢

鏡臺虛動玉搔頭

姊妹天人艷令嫵蝦鬚長日掩闌干春來自製哀蟬曲

未有新詩贈牡丹

鴛鴦機罷辟邪塵得住鶯閨叫暮春不見茂陵風雨裏

土花空食李夫人

沙棠雙棹莫愁家金粉啼痕褪木瓜陪待雲翹春不管

閉門寒食祭梨花

風流騷怨似梅村  
題董

送陳龍季北上





湖光如畫靜無波尺素飛投起嘯歌君子國中秋氣早  
大王峯下角聲多刺船政擬移情去挾瑟還從破夢過  
花港柳堤思共汝酒鱗風動漾紅螺

送文位還清漳守制

錢塘八月海潮寒楊柳垂黃送素冠獨惜三年人別久  
莫愁萬里路行難圖書薄壓春官舫舟楫高撐孝女灘  
歸去正當橙橘熟未遑將母淚闌干

胥浦懷古

當年揚子水未必達吳門一刻蘆碇食千秋漁父恩納

肝風久絕懸眼事難言無限滔滔去還招何代魂

朱鳥篇寄同年涂季凝

金陵有芳樹忽栖三朱鳥毛羽本共生文彩相照耀一  
鳥謀粢糧鷹鷲為叫嘯性悍音亦乖彈弋非所料一鳥  
丹穴姿五德登天廟修翰將遠歸和鳴多古調

更有一鳥哀悲風凌高臺恥與鶴鶻伍倦飛奚難哉嚶  
嚶求儔匹族類反見猜飲啄不相顧聞遭樊籠摧一受

虞人縛何時翔九垓哀者忽分飛玉粒驚禍胎  
分飛何嘈嘈歸鳥翔南皋願君為鳳凰不願為博勞鳳



鳳	舉	霄	漢	博	勞	徒	餐	餐	增	繳	一	以	密	巢	居	安	得	高	鯤	鵬
九	萬	里	飄	飄	憐	其	曹	獨	怪	賦	界	人	反	不	念	同	胞			
徐	蓋	遭	人	紀	之	艱	者	故	辭	多	隱	約	兼	用	比	體	厓	松		
元	夕	江	行	仝	董	四	耕	伯	限	韻	六	首								
小	海	寶	珠	升	扁	舟	與	李	膺	龍	關	停	戰	鼓	蛟	廟	賽	春	燈	翠
嶂	當	空	落	銀	濤	挾	月	騰	滔	滔	江	漢	水	萬	古	此	憑	陵		
朱	纜	榜	人	挈	清	光	待	水	涯	鳴	舷	迴	怪	鯉	施	飯	與	神	鴉	百
道	咸	趨	峽	三	江	亦	似	巴	春	來	潮	不	落	萬	里	有	浮	槎		
迎	神	靜	羽	旂	火	樹	望	中	飛	依	磧	箬	帆	動	隔	江	蓮	漏	菰	竹

深	揚	子	宅	花	暗	越	王	磯	一	覽	滄	洲	暮	吾	生	甘	息	機		
焚	香	對	望	舒	舟	楫	竟	何	如	欲	結	三	元	佩	還	陳	五	夜	書	水
靈	趨	要	眇	天	樂	動	空	虛	絳	節	蓬	萊	近	揚	舫	泝	闔	閭		
不	是	夜	珠	還	冥	冥	海	上	山	水	心	明	斗	極	月	色	冷	刀	環	檣
暗	一	烏	繞	波	平	萬	象	閑	分	明	銀	竹	裏	幾	點	逗	烟	鬟		
浮	生	毋	乃	勞	元	夜	在	江	皋	喜	值	蛟	冰	泮	愁	看	虎	落	高	鄉
心	依	野	戍	春	夢	越	虛	船	豈	不	憐	芳	歲	臨	風	擬	屈	騷		

補逸

飲周櫟園方伯種蕉堂作歌

珍華簪繡裳集眾賓少年行樂撰良辰君不見漢家天	綸海隅日出歡無垠種蕉堂上列錦茵貢獻登美羅百	神安得九戩歌魴鱒久視方州盜賊馴金刀切奏絕紛	居高震疊攫其真 <small>疑</small> 縛之殺之不逾旬宦理汨汨稱入	豪強回適生逡巡慎勿遇逢僕射嗔鄉里猛虎常食人	鍾星降嶽歌甫申八載斧斨治吾閩弗貪夜氣來金銀	江城留春雲物新笙竽夾路揚香塵僕射風流行朱輪
-----------------------	-----------------------	-----------------------	--	-----------------------	-----------------------	-----------------------



子厭平津大臣得罪遭沉淪  
又見陰山獨石多流民  
日日橫門送所親  
我曹有酒且沾脣  
丈夫何必畫麒麟  
嗚呼丈夫何必畫麒麟

送同年唐次仲歸上海歌

君不見秦時傳有王次仲  
手畫偃波神鬼恫  
掉頭不肯事祖龍  
毛羽上天白日動  
爾以字行慕其人  
長卿學蘭無乃真形軀  
八尺丹脣美欬唾  
珠玉疑有神憶昔對策  
金華殿驂騮  
仰嗚同被薦  
危時未得誇身榮  
延秋烽火眼中見  
二十年來萬事非  
野褐相逢陟翠微  
黃龍浦口

尋張翰白馬峯頭吊陸機  
君不見昔年揚舲泖西渡  
老蛟盤旋嘯風雨  
與君賦詩排狂濤  
酒杯螭蟻不知數  
霧來浮屠車  
秋空層雲夾脇凌  
高窮慈恩瓦棺烏足擬  
謝眺驚人帝座通  
彼時脊背豎如鐵  
少婦含情待明月  
曾期避亂居墻東  
何必抱璞遭人剛  
鳳凰欲止無深林  
長安市上誰知音  
時同酒壚聊一醉  
萬古荆高何處尋  
秋日客涉南遊華  
不注諸名勝  
全貽上王十一限  
用清波收潦日  
華林鳴籟初韻  
以誌采覽  
東宗飛遠色  
華拊彌孤清  
亭亭斜照水  
黶黶細通城  
齊

州烟九點花萼眼中明  
緬惟古仙人曾騎青龍行  
招招小鹿子撥刺弄迴波  
銀塘采嘉藕素鮪穿殘荷  
道遙白氎巾閒吟三緯歌  
此時紅杜若映我微醺醅  
王屋娟娟細鳴泉落晚秋  
染藍倬如練大小真珠流  
錦鱗間文鵝唼啄浮黛收  
仲宣吾素侶憶上會波樓  
層林蘸曲池笋屐試臨眺  
琅玕生積玉坦迤凝四照  
沿探灤竒蕭莽見岱峭  
何當水田衣聊學南皮釣  
珠塘穀微波錦鳥浴寒日  
中流有佳人端坐理瑤瑟  
北渚清且漣題名空綵筆  
即此倚青藤汗漫五嶽畢

鳳翼亦有嶠虎牙亦有華  
峨岬夾明水幕歷成綺紗  
若不載酒遊孤負東園花  
邊李餘黃土行吟徒咄嗟

邊華泉李

滄溟皆濟南人

七橋如畫裏澄鏡入丹林  
繒網無所施花時應鳴禽  
據圖思往哲把酒諧宿心  
蕭晨來東游遂忘久滯淫  
金溝嗚咽水秋袂佩香蘅  
不識天孫杼誰調帝女笙  
小院星河寂時聞孔翠鳴  
當年承輦處細草却愁生  
嶙峋三周壘雲日半含黛  
企彼升天詩清音激林藟  
千佛吐芙蓉河山繡圖繪  
抵掌誇雄風齊魯青猶在



晴川若丙穴吾羨水西漁文椀臨秋圃丹椒點素書日  
日不梳沐三至名士居湘藤聊自適生卧看金魚  
杜生正言每詢名山水余答之曰五岳尚矣然泮南  
有華不注迺五岳之具體芳湖竒嶼映帶若棊星昔  
蘇黃諸先生多有題詠余夢魂恒戀此詩特其形似  
也書之為正言作卧遊可耳鐵堂老人秘  
按自跋在鐵堂罷官以後而詩則舊作故附於上卷  
之終下三首同 松厓

中秋十三夜即菴看月

入秋病肺偏多喘見月登樓忽漸寬細雨昨從愁裏過	清光今在望前看銜杯難得逢良夜破暝能來似舊歡	但使銀蟾遲不落何妨玉露濕將殘	昔年就汝松間席今夕邀余月下杯詩興已為何遜減	秋光空剩謝莊哀猶憐露魄前宵似祇恐霜毛後輩催	憶自西園盛賓客誰人慷慨獨登臺	將軍之山何突兀主人招我翫明月座間有客秣侯姿	中秋席上戲題金友便面春原雙騎圖
-----------------------	-----------------------	----------------	-----------------------	-----------------------	----------------	-----------------------	-----------------

閩許秋天主著

紫罽為衣倚瑤闕風光今夕倍儼歡辟塵揮汗白玉盤  
杯深忽苦櫻桃熟楚竹齊紈掌上看鎖骨乍開晃秋雪  
仰見中天照顏色雙飛並挈姑嬋娟蘭葉宛載秦淮妾  
云是王生為此圖少年袴褶銀刀都人物最有周文矩  
二妙丹青絕代無一騎襴褶紅叱撥黑貂纏頭肆馳突  
側視斜依角觝嬉小宋風流傳鞋鞞一騎權奇似游龍  
追風掣電桃花紅銀泥裙子鳳凰襖李波幼妹會關弓  
北里東阿春草綠香雲香雨連阡術目挑眉語顧盼生  
那管世間懊惱曲殘粧蹀躞墮鴉黃亞字闌干日正長

吟來公子游龍賦笑入佳人射雉場此畫工似且工意  
銜羽交脰空倚旒白籐更作十眉圖黃絲還繡合歡被  
老奴坐對燕支山醉眼模糊碧落間當心呼出衛叔寶  
卻影生猜謝阿蠻

以上數詩從鐵堂手書鈔乃康熙甲辰中秋賞月之  
作也其自跋云予被議後羈棲蓬戶咄咄歎嗟每承  
杜子正言頻相過從方欲作馬鹿山中秋之遊而陰  
雨連旬頓增蹇悒忽一日紅輪湧起正言告予曰遊  
事濟矣此行得佳詩數十首纔可無負山靈惟恐天



公妬我耳予笑答曰明月固足快遊儻秋霖夕潦濕  
樹鳴泉亦自不惡豈目前屨屐不似曩昔壺尊乎因  
書舊作示之呵呵戊申八月初六日鐵堂秘漫述

鐵堂詩草卷下

天海山人閩中許 秘天玉著

後學 狄道吳 鎮信辰錄

金匱楊芳 燦蓉棠選

岳墳

鄂王陵墓對湖陂松栢蕭森夕照悲野上綠烟神簋簋

山中紅葉鬼旌旗銅人枉鑄奸臣像鐵馬驕嘶大將碑

一子渡江天意定靖康遺恨豈班師

三四奇麗 蓉棠

于墳

女蘿猶自護松衣疑有精靈嘆落暉主戰山河臣骨在

排遷天地客魂歸荒塋秋草牛羊踐破廡寒烟烏雀飛

五國翠華原不返當年廟議是耶非

慰友罷官

故人萬里忽相見頓覺馳驅行路長一命那堪羈蔣琬

二天何至詔蘓章栽花種柳終卑吏涉塞臨關總異鄉

我甫折腰君解組幾時林下話河陽

用蘓章意  
妙蓉裳

吳門哭申惟九

早達無矜氣君家文定風匣龍翔漢失梁燕落泥空行

路來孫楚登堂哭孔融此時修短理未敢信高穹

詠春西堂寄閻大修齡二首

見說茲堂好題詩倡牧翁山河餘舊業天地有諸公五

世衣冠外二陵風雨中昔年遇孫默云汝最英雄

草堂面淮水名與宴花齊客至拖裙屐人留盡阮籍墓

田三晉內風月五湖西油素曾經過倥傯惜解攜

湖上送同年羅煌菴宮詹歸豫章



江舟遙指鳳凰城	班管題詩送遠行	梅福衣冠臨左蠡	桓榮經術壓東京	山中叢橘還初服	水上文昌感至精	朱版携來元造次	六橋楊柳不勝情	正老招全顧修遠	韓固菴周茂山	范文白湘舫觀	劇得烟字	網緼華燭水如烟	名士高談動四筵	花乳半飄歌扇跳	柳絲全挂舞衣妍	湖山署靜添詩目	親串途窮散俸錢	猶憶長干曾失路	綈袍轉為故人憐	親串語真	蓉裳
---------	---------	---------	---------	---------	---------	---------	---------	---------	--------	--------	------	---------	---------	---------	---------	---------	---------	---------	---------	------	----

七十城一洗萬乘羞	惜哉斯人往高址	空千秋春草平	昭王能下士慷慨復齊仇	築臺易水上郭隗為之謀	駿	黃金臺	悲歌日暮巾柴車	欲沽市上酒為汝立踟蹰	堂上筑彼傭乃欵	歔矐目良亦苦懷鉛	將馬如燕趙聞	地多俠士相傳屠狗居	變徵聲已哀	督亢圖無餘丈人	野雀啄黍稷	山鹿竄阡衢	客行無近遠	榛莽嗟廢墟	此	高漸離故居
----------	---------	--------	------------	------------	---	-----	---------	------------	---------	----------	--------	-----------	-------	---------	-------	-------	-------	-------	---	-------

原綠蹀躞思驂駟三載每相過憑吊凌滄洲

二章渾雄古健似太  
白懷古之作蓉裳

北平懷古

古塞壓平蕪落日大旗紫憶昔北平守先世起成紀六

郡選良家結髮事邊鄙從獵格猛獸天顏亦頓喜萬戶

何足道惜哉時所使屏居蓋田山醉尉呵故李願一當

絕域庶幾報天子大小七十戰功成若逝水諸將均昨

茅苟得安足齒封侯非骨相數奇類如此一死謝長平

哀聲徹營壘寂寞桃李蹊何處哀國士當年飲羽石迄

今蹲虎兕不見猿臂人行歌入燕市

天矯離奇不可  
方物蓉裳

劉諫議祠

司戶故不羣伉儷負奇氣對策繼天人痛哭陳至計宮

中多指鹿閣勢方鼎沸風漢乃見訶蛾眉生妬忌睨柱

碎玉虹血漉陵陽淚散地置荒州高材沉下吏童子覓

封侯斯人禦魑魅謁者多羣兒北衙盡掌制科第亦具

文公卿取充位俄頃國是非至尊日顛顛凍雀遶紇干

銅駝蒙蒼蔚甘露事多違濁流亦崩墜祠廟留千秋豐



碑遺翬扇雖作窮達觀遂使興亡繫行道多心傷憑軒  
皆揮涕

絕有關係之作不在  
杜八哀下松厓  
恨不令李玉溪  
見之蓉裳

上巳日吳茵次舍人招飲玉琴堂時予有病未赴

奉次芝麓總憲即席韻酬之二首

季重吳舡樂事多樓遲海客莫同過林中花落驚寒食  
枕上詩成續永和魏闕薄游澆故劍燕臺殘夢壓春羅  
杜陵不盡江頭淚曲水無風亦自波

節序闕情本不殊屋梁仰歎酒徒孤春光聊欠維摩寺

日色依稀覽舍湖蘭次廣金勒淺苔調埒馬玉軀高樹

護巢烏傳來漏箭沉沉夜角壘分題到我無

訪王貽上於慈仁寺雙松下仝作歌

騎馬橫過五都市獨數中原問王子才聞近自泰山來

置身却在雙松裏入門拔地搖穹蒼老樹盤根渾四旁

白日蔽虧鬱蕭莽樛枝拂拂樓鳳凰世間靈物忌孤美

此松殊有相連理青銅降粒神仙家黑鉄修鱗帝王里

銀欄繡砌徒宕崑六月高寒氣弗驕科頭其下吾與爾





香雲一片踏西陵才子哀蟬淚莫勝吟到梅花坡上黑  
金剛諸咒石樓燈

可以怨  
蓉裳

汪茗文鄒訐士李此瞻王貽上枉過寺寓論詩

匿影香林間松槐樹交密閉門忘坎珂書卷起沈疾好  
烏送清音微風響亂帙何來金閨彥駕言問圭筆固陋  
失簪帚簡畧忘沐櫛四君天廟材斌雅儷文質譚詩追  
正始宮商協笙瑟今時推總持靡曼那足述綺語刪紅  
鹽雄辯移白日齊秦大國聲吳下機雲匹僕本蓬蒿人

京華幸促膝媿無鳳麟辭明將返衡泌誦讀泥章句詎  
敢閱經術羨爾江海藻扈從珥溫室應念濩落生空山  
拾橡栗

洗象行

番官罽衣朝打鼓曠騎油車塞城路二十四象行天街  
蠻奴作勢善射舞張鋌交達掣錦麾響水關前習水嬉  
鋼蹄鋸齒猙猙惡此獸却有滌濯期憶昔馳道七輪扇  
翠華龍馬珊瑚茜火浣繡褌徑寸珠七寶莊嚴上皇殿  
來賓毛羽何離離此日長安復見之方貢詎無新與故

秋	來	水	壁	官	街	昆	河	搏	產
宵	玉	關	上	家	尾	明	潢	力	出
虎	河	蒼	之	隊	騰	旌	白	豈	夜
毛	波	蒼	觀	伏	哮	旗	浪	屑	郎
蠻	射	柳	側	耶	捲	花	山	虎	或
奴	珊	陰	肩	復	秋	門	嗟	豹	羅
踞	瑚	碧	臂	爾	電	變	峨	雄	施
象	赤	寶	平	御	只	天	迴	調	斯
頂	須	馬	頭	綃	今	吳	旋	性	物
丘	史	流	奴	紅	堯	午	盤	寧	要
山	鈺	蕪	子	栗	舜	鳴	薄	甘	非
不	鼓	紛	叱	扃	日	團	老	狗	窮
動	干	絡	道	苑	當	組	蛟	兔	大
何	雲	繹	來	墻	陽	練	恐	媚	比
咎	霄	日	人	南	不	盤	水	須	左
崑	萬	中	獸	海	貴	金	犀	史	右
岸	夫	傳	控	老	猛	障	畫	側	鞭
邊	聲	呼	擠	生	獸	泥	戰	身	鉤
突	寂	洗	何	真	窮	銀	浮	射	若
兀	如	象	處	好	淫	麒	鼉	洪	拊
			避	事	荒	麟	鼉	波	字

生	讀	廟	哲						
關	書	三	后						
將	千	臺	垂	武	多	闕	今	沒	列
相	古	裏	衣	郎	威	屹	年	中	陣
邊	事	衣	日	謁	神	然	丞	流	昆
豆	祀	冠	孤	楊	山	立	相	狎	陽
配	典	雙	臣	公	林	仗	收	巨	城
鄒	九	關	飲	椒	豈	金	夜	浪	雷
林	重	邊	劍	山	是	階	郎	撇	雨
不	心	老	年	祠	天	旁	扶	波	行
謂	遺	生	當	三	家	聖	南	一	天
朝	像	京	時	首	珍	朝	盤	躍	神
廷	兵	雒	真		立	自	况	萬	鬼
改	戎	暇	激		山	不	求	人	驚
瞻	肅	下	烈		移	貴	王	呼	奴
依	荒	馬	隔		浩	異	章	幡	子
猶	陵	謁	代		呼	物	遠	然	胡
在	風	前	更		淘	致	隨	却	旋
今	雨	賢	流		大	此	方	出	氣
	深		傳		秦	亦	物	層	道
	死		祠		師	足	貢	霄	壯
					子	威	天	上	忽

閩許必天玉著

海源閣



角催	僑盼	座徵	絕代	賦徵	人美	吊乾	夫子
征鬢	思公	蘭色	承明	紈扇	南皮	坤外	非沽
春花	子行	三年	客譚	鶯花	會杯	外鬚	直君
破旅	旌渺	抱玉	詩春	似洛	深北	眉松	王為
顏朱	未還	心長	樹林	洛城	海傾	栢中	表忠
簾且	不期	安有	珠鑣	不知	玉憇	巖巖	局成
高卷	羈鹿	知己	連野	五陵	雲吹	有生	開黨
歷歷	塞猶	應碎	步柵	地尚	入金	氣薄	禍釁
見天	似夢	子昂	鼓動	有舊	埒露	暮響	起論
山	龍關	琴	邊音	劉生	騎鳴	悲風	邊功
	暮		四		詞		憑

佳白	苦道	但有	昏黑	才子	駟驚	才子
雁雁	人詩	醇醪	徒虛	西京	春盡	西京
黃松	滿城	且獨	蠟屐	地金	看花	地金
花天	風雨	持持	期陶	羈對	坐夜	羈對
然	重陽	陶九	然徒	晚曛	分青	晚曛
	好無	靡日	倚止	兕觥	衣能	兕觥
	那秋	序白	東籬	三輔	解詠	三輔
	光點	雁高	何須	酒魚	席罷	酒魚
	鬢絲	涼名	破帽	簞五	尚殷	簞五
		士傳	還相	蠻文	勤	蠻文
		黃花	謔	結	侍者	結
		辛			春生	

善詩

四詩清麗足嗣  
丁卯松厓

九日獻吉豆園坐雨

陶然徒倚止東籬何須破帽還相謔  
九日靡由白雁高涼名士傳黃花辛

苦道人詩滿城風雨重陽好無那秋光點鬢絲

佳白雁黃松厓  
白雁黃松厓

閩許秘天玉著

海原同少

南宮復生趙雪江北苑再來葉榮木余曾單裕過孝陵	嶙峋浩渺無盡姿簡點輕囊出雙幅吳機蜀錦粉花漁	雨公蕭騷能繼之縱橫揮霍如更奇眼光揅撐尋墨妙	君家故有石田子渴硯倒呵風雨飛天下豈有奇山水	忽爾剝啄聲向我楮稜拂拂真琅玕先時宏正重畫理	欲擬三都笑秃筆抱被雲物壁上觀夢尋嶽瀆生羽翰	春衣縫結維摩室時節多霾白日匿門坳幽黑謝貴人	沈雨公贈畫山水歌	多痛峭之句不可
-----------------------	-----------------------	-----------------------	-----------------------	-----------------------	-----------------------	-----------------------	----------	---------

長干握手欣與澄葉君時擎千金盞趙君時對萬年燈	秋風催散白門隊貼身什襲以為佩開函四壁生烟雲	濃射參此合三昧雨公善畫尤善詩含毫新體稱雅師	荆關倪王何須數虎頭當年亦老疵	<small>詩亦縱橫揮霍浩渺而無盡姿</small>	濟南李氏家藏十二古琴歌	中丞李公愛琴理總帷留挂多綠綺嘉樹之堂好收藏	我來請自探正始入門砉然風雨鳴黑質黝眼光駛	其氣無乃如鉄兵開囊不數元元李最先元時三世雷
-----------------------	-----------------------	-----------------------	----------------	-----------------------------	-------------	-----------------------	----------------------	-----------------------



窻	野	貼	石	閣	鼎	耳	材	名
聆	琵琶	黃	竹	黃	足	名	蚰	琴
虎	座	玉	繼	欵	樂	不	螺	鴻
嘯	右	反	而	識	散	亞	烏	音
<small>名琴</small>	蕉	令	再	剝	音	大	龍	背
淳	葉	斷	見	落	乖	小	吐	上
熙	<small>名琴</small>	木	斷	繡	龍	青	黑	隆
草	亦	生	梅	蛇	已	龍	霧	文
隸	天	枯	花	腹	飛	胎	漆	苔
官	寶	華	<small>名琴</small>	斯	尉	吾	花	虫
局	古	此	欲	語	也	聞	晃	渦
料	色	琴	斷	傳	猶	雙	日	嵌
御	玲	明	弗	之	堪	龍	電	空
氣	瓏	皇	斷	周	響	魯	母	篆
拂	通	改	年	雲	空	藩	猜	雲
拂	絳	元	代	窩	谷	蓄	雲	瑤
太	紗	作	遐	那	蚌	尉	霄	削
清	條	不	萬	得	珠	氏	物	就
樓	爾	是	點	淒	十	家	在	蘧
繭	虛	平	輕	清	三	琴	失	鐘
絲		盧	痕	和	雜	稱	威	丹
								獲

牛	水	截	蛟	幾	別	笙	寒	顏
毛	故	肪	龍	欲	施	簧	冽	色
宛	印	白	夜	深	朱	螺	季	頓
相	歷	璧	吼	更	細	鈿	札	使
肖	雅	形	海	抱	膩	霏	洋	行
鉤	師	蜿	波	汝	膚	微	洋	人
然	梅	蜒	立	眠	理	着	應	涕
併	瘦	或	豈	丁	勻	騷	止	淚
入	嚴	謂	有	字	餞	屑	觀	看
木	翁	嶧	聽	簾	銀	薰	皴	白
雷	總	陽	者	前	結	風	紋	頭
<small>名琴</small>	謝	孤	非	胃	曲	甘	圻	老
聲	調	桐	成	紅	光	露	軫	璫
手	主	質	連	雪	芒	明	圍	鸞
敏	人	寡	摸	<small>名琴</small>	綴	堂	螭	都
心	復	鵠	索	厥	小	姿	鸞	市
閑	洗	離	莫	狀	雅	從	盦	官
必	秋	鸞	定	珊	<small>名琴</small>	旁	罌	家
高	澗	慘	何	瑚	嘉	起	几	內
妙	泉	不	代	故	名	粟	席	物
天	<small>名琴</small>	宣	物	殊	協	轉	失	江

或堂詩

閩許秘天玉著

海原圖

鉛華歌舞歌鄂公羽箭衛公刀流落民間歎殘笏此時	好古龍帑珍罪廢忽入中山閼定國功高冠列侯六代	嵬遺襪同殿後含情見秋月 <small>琴形</small> 彷彿師曠桐作骨徽郎	素更第一金床玉几蛾眉工特進昭儀早捐棄不與馬	字餘天風田家妃子貴難得弄簫聲徹永和宮彈碁點	翠華游拭涕還分黃竹痛况兼婉美有蒼龍 <small>琴名</small> 蝸粉蝕	交蟬螭憲宗宸翰搽南薰思陵應覽時供奉揚靈直擬	翔鳳 <small>名琴</small> 紫霞絳綃毛羽動迴旋盤舞悅至尊廣運璽光	山殘盡飭于闐雙綠玉檀裏琳瑯不忍彈天上一器名
-----------------------	-----------------------	---	-----------------------	-----------------------	---	-----------------------	---	-----------------------

未注	席上空悠悠開元遺談多入曲今夜月明何處搗 <small>鴻音琴名</small>	失職湘靈沒段師淪落賣瑩篔簹斯人知音那易遇岐王	銅龍灰霹靂可憐天子霓裳愁樂伶無復拜長秋雲門	清讌召龜年誰道君王寵秦虢萬歲山前賊騎稠鐵鳳	虬鬚云姓易淚落檀槽口自言曾侍前皇理絃索玉熙	林木之震盪堅如刀劍之奮揚憶昔長安有坐客隼顙	一音成宮商屹如巖崖之巖業瀏如河漢之汪洋肅如	戛戛遶畫梁不數錢衡與惠祥無絃嗜好那可學一琴
----	---	------------------------	-----------------------	-----------------------	-----------------------	-----------------------	-----------------------	-----------------------

閩許泌天玉著



自杜飲中八仙及蕪韓幹十四馬後可以接武者僅  
見吳梅村畫中九友歌耳茲則轉韻分段行為大篇  
雖參差斷續其剪裁或異前人而筆力排  
山倒海固已極騷壇之樂事矣

登華不住

表餘將凜冬行鑣夾城暖晨暎浮珠湖放覽眾靈展遙  
峰撐我前盤拏帶平行劃天神斧遺拔地仙經撰四寓  
無回遷寥廓得所遣飛嵐若軍兠丑父事亦典嵒水帶  
其旁益致烟雲闡翠栝翳笈械瑀梁啟旒冕黑質五圖  
陰雷文雜洞薜巖脊蟠金鰲磴道暢叢繭道宇隔數弓  
重門弱蘿鍵葺衣上高臺環青屹然辨耽此區中竒全

嶽具一齋抱影凌蒼溟娛心對芳睨

貽上招游釣突泉三首

王謝風流接錦韉同時珥筆頌甘泉三秋冷吐金梁桂

萬歲新開玉井蓮魚眼射波浮曉日龍牙吹島散晴烟

高樓目斷雲中雁盡挂齊州九點邊時訪愚山石齋

仙人橋上鶴來無行挈方平白玉壺王方平有身落星

濤浮筏壯手捫雲壁嚼藤枯霸陵石馬依荒戌王屋金

鴉起凍湖我欲騎鯨問明月碧簫吹徹嶽形孤次趙公

靈水琅玕飲竹光會波樓上看鴛鴦不知漢璧朝河伯

浪說秦珠貢海王  
鰲背三天星樹煖  
牛頭千佛雨花涼  
檐端霽壑澄如練  
眾岫亭亭畫夕陽

秋柳和貽上四首

秋色行人易愴魂  
垂楊垂柳黯江門  
煙含駘蕩宮中影

風弄靈和殿上痕  
曉笛暮霜還出郭  
青楓黃菊自成村

闕情最是長干路  
攀折殘條那可論

駘蕩宮見三輔黃圖以對靈和遠勝漁洋扶荔宮矣松厓

竹西橋畔月如霜  
顧影依稀覆畫塘  
帝渚久無扳錦纜

娼樓空自問金箱  
傷心搖落南陵庾  
行部風流東郡王

却憶烏絲催小玉  
凋零勝業舊時坊

曲江花片點春衣  
三月恩波事已非  
金苑女砧承露曙

玉河官騎戴星稀  
書沉京闕枝俱折  
烽起邊庭絮更飛

樹色高樓聊騁望  
十年夫婦亦多違

琅玕戰伐見還憐  
大道斜陽欲作煙  
一自青郊搖雜珮

遂令紅淚濕吳綿  
柴門竹里尋高士  
池草園花憶盛年

愛爾數株籬落靜  
西風魚稻老江邊

風韻蕭疎不減原倡蓉裳

七夕前一日集蘭江趙氏樓



數峯江上送歸舟仰見銀河待女牛此地行人同阮哭  
幾時天子問梁游鄉心水驛逢雙宿秋橐沙原晒一裘  
客裏又將良夕遇愁聞刀尺出高樓

晚出湖上宿嵩上人蘭若

水晶宮殿夕陽低烟柳參差望欲迷野艇拍天孤鶴迥  
晴牕臨鏡數峯齊行看銅狄勾闌外坐對銀蟾象緯西  
夜色沉沉仙梵靜不知身在石堂樓

秋夜集湖寺待月二首

香臺下閉夜烏號山月初來湖水高黃菊沙原歸獵騎

青榕石岸繫漁舸數聲雁度村春急何處蟲鳴閨杼勞  
信宿鳧鷗情不極枯蘆吹火剝秋螯

漢寢唐陵感慨中斷碑殘碣覆丹楓珠幢古殿千林合  
銀箭高樓萬井通屋下打魚秋網白霜前破柿佛燈紅  
琉璃照徹諸天曉猶自蒼茫想桂宮時海警未平

西郊晚歸宿雲門蘭若得溪字

園林藉草醉如泥向夕還過祇樹西入寺數聲歸鳥亂  
尋僧一逕落花低猶憐春色皈龍藏更喜禪心傍虎溪  
並坐燈幢方丙夜靜聞法雨下招提

三月四日全諸子再出西郊賦詩分韻

千頃琉璃進畫船酒旗歌板未蕭條湖光曉嶼浮青鷁

日色春堤下白鷗游子尋芳行蒨蘼美人臨水賦瓊瑤

情深一往無聊欠乘醉還來坐野橋

送陳蔚生歸山

饒有滄洲意扁舟書畫多自堪凌顧虎端不讓王鷺溪

女出紅鯉巖僧捫綠蘿行橈一吟嘯山雨忽虛過

集黃明西山人野鶴堂

長日園林好主人花木清點經紅藥發洗劍綠苔生魚

烏平居意衣冠故國情近來桑苧熟鴻漸已成名

丁酉五月客劍津寓林蕢子之語峰樓及庚子五

月再至蕢子已作故人逾年矣愴然賦此兼柬

令弟延年

煙波縹緲古鐔州萬里經行賦壯游別去莫開徐緝榻

到來空繫李膺舟寒津作客三年慣細草懷人五月愁

縞帶不殊今昔好君家兄弟總風流

五月登鐔州城上樓選二

岩嶺天際揮芙蓉玉檻青疏十二重直接星辰追八駿



多從雷雨見雙龍  
弄珠神女峰前落  
解佩詞人闕下逢

睥睨中流看不極  
幾時江漢盡朝宗

溪光衣帶鑿疏分  
縹緲高樓敞夕曛  
水國魚龍搖白雨

山家鷄犬住黃雲  
津梁作客依堯徽  
天地安流想禹勳

此際由來可乘覽  
幾人憑弔李將軍

贈去聲上人

楊終孫子事相違  
漢臘更新賦式微  
聞道早栖調象嶺

尋春多哭釣魚磯  
空中白業看花落  
劍上青峰任錫飛

行脚還須尋大乘  
風塵回首自知幾

再別聖夫

溪雲關樹總漫漫  
此日秋風刷羽翰  
作客共依雙劍閣

懷人獨上大羅灘  
那堪兵甲離鄉早  
豈有文章應世難

明歲新鴻報消息  
知君相慰一彈冠

五日鐔州城樓喜陳孝廉至自幔亭

縹緲飛樓喜遇君  
輕裝猶帶幔亭雲  
歸來上闕簪還合

別去中原劍欲分  
萬里山河誰攬轡  
百年天地此論文

啣杯一望滄江暮  
故國菱歌那可聞

留別汪而飛

金... 海... 雁

潭水桃花映客裾  
汪倫送我意何如  
三秋遠塞迎鴻雁  
二月清溪待鯉魚  
已有袁絲能急義  
不妨趙壹欲登車  
比來交道多翻覆  
安得還同井臼初

三四自然入  
妙蓉裳

卞墳高有序

卞墳高為烈女錢淑賢作也  
乙酉四月揚州城破烈

女七死而後絕命  
父母從其志葬於卞忠貞之祠南

許子過而哀之作卞墳高

卞墳高日慘風颼颼  
祠前江水流腥臊  
枯楊人頭老烏

號老烏號卞墳高中有烈娥  
一解烈娥錢氏子兵至各

披靡不料丞相死揚城閉黑

風吹人四月熱東隣飛人肉  
西隣濺人血三解維血與

肉誰強誰弱我不敢殺汝  
反恐汝殺我父耶母耶胡生

女耶四解父耶母耶廼生我  
耶女生不得力女死不得

老父兮母兮生我死我  
生我五解吁嗟父母不肯

殺我兵亦不殺我我將安  
逃引刀刀缺引縲縲裂刀縲

不引決我命安得絕六解  
嗚呼蹈水耶水不喪元蹈火

耶火不燎原不得與父母  
永訣亦水火之恩七解已焉

閩許秘天玉著



哉水火弗烈不如慈父手中藥飲藥擊牀聲閣閣黃榜  
 招民空城雀忠貞祠堂野草著八解野草著野烟吐何  
 不揚其塵吹其骨升之於天帝之衢迺葬此廣陵一坏  
 土卞墳高高千古九解

結響古勁落墨岨奇此真漢  
 魏也古勁落墨岨奇此真漢  
 閉叶音繁我  
 古韻叶烏古反

廣陵劉生行贈峻度

吾聞西京劉生慷慨天下無虬髯虎氣礧礧落落真丈  
 夫三十專征掌節符結交遨遊咸陽都五陵七貴時囁

嚙平頭大賈真庸奴然諾不苟心膽麤腰間繡血光模  
 糊手暎齷齪生頭顱長安市上酒家鑪有時醉後攘臂  
 執金吾何止布帽六博工泉盧如此高風千載難盡摹  
 征人馬上鼓角雜笙竽劉生一曲吹之邊月孤乃今相  
 逢廣陵城南隅自言家世本是關中儒少年顏色雪照  
 膚黑貂纏頭大秦珠鮑裘窄袖紅氍毹立談懸河顧盼  
 殊風流文采樂只且我行將上書握手交路衢控我紫  
 騮駒挽我白貉繻黃河水合雪載塗風搖縞帶日西徂  
 何不停軌稅駕緩斯須門前枯楊棲老烏阿房重階石

為	綺	蓉	為	丁	咄	途	空	真
樞	疏	出	楚	漏	許	日	踟	我
飛	酌	水	舞	水	子	暮	蹕	徒
崗	君	之	歌	注	生	何	感	
曲	沉	錕	吳	玉	平	處	君	
池	瀝	鑊	歆	壺	輿	巾	欲	
穿	之	座	光	為	越	柴	繡	
轆	華	間	彩	君	國	車	平	
轡	醜	十	四	中	過	吾	原	
到	憑	五	射	夜	都	將	圖	
來	君	青	金	起	胡	寄	寧	
稚	琅	童	僕	長	為	夫	獨	
子	玕	妹	姑	吁	而	仙	報	
皆	射	螺	上	人	來	人	之	
歡	日	絲	堂	生	乎	之	所	
呼	之	鬱	行	及	萬	居	高	
坐	珊	金	酒	時	里	樓	樓	
君	瑚	帶	災	當	坎	四	顧	
鴛	拂	流	鷓	自	塹	顧		
鴛	君	蘓	鴟	娛	悲			
之	芙	學	丁	咄	窮			

此古樂府變調真可謂  
合江鮑為一手蓉裳  
廣陵喜值愚山

尋君曾上少陵臺  
魯國荒涼罷酒杯  
正憶美人巡嶽去  
近傳名士過江來  
風塵舊劍還終合  
烽火殘年莫亂催  
留滯揚州動詩興  
閣梅先臘一花開

廣陵歲寒行  
酬貽上

南方有客疲車騎  
雅好揚州古歌吹  
天寒風急大江來  
手脚凍僵擎襪被  
難將花柳起隋場  
忽使江山恨吳淞  
子雲已老猶上書  
萬里修塗闕餽霜  
雪滿眼關塞長



行道遲遲心內傷憑軾已接南陵杜倒履猶趨東郡王  
王子球琳天廟器十年詞賦籍長楊射波湖上仙人治  
文選樓前驄馬昂建禮承華且虛左咎繇平反無不可  
蒙衝去歲犯金陵江南江北開秋堞聞風將吏多囁嚅  
平頭大賈間同坐讞牘纍纍若邱山佛子心腸對枷鎖  
使君文彩絕代殊飲水賦詩滿吳都一時賓客盡厨顧  
鄙人亦自當座隅高槐繫我紫騮鞚明燭照我青鸞襦  
酒才一斗詩狂發句贈歌兒李夢珠凌晨公車將北指  
出門茫茫向誰是使君清名世所無條脫雙遺寶光紫

蟲鬚烏翼嵌烏絲餞漆施鉛圖百子此物自是內閨珍  
廉吏傾囊至釵珥夫人中丞之女孫名閼詠雪稱賢媛  
視墉發笥佐君子使君乃得追平原憶昔鄒平憲百度  
雲間考功在及門當年絳帳分燈火尚書太學如弟昆  
考功居常述世系華東老人重高第鏡具難酌太尉知  
此後淵源慎勿替何期閨閣有祖風肯散香奩助交際  
感激悠悠歧路人被佩豈是尋常惠歲晏聊為側偻吟  
世間意氣非黃金啣恩自欲依楊寶急義還看壓華歆  
淮水瀾瀾北風發使君與之同淺深要知划子揚帆處

須識王孫一飯心

想見二公古道交情詩亦卓乎可傳

送譚灌村編脩旋里終養

斑衣奉引木蘭舟鸞旆魚軒出石頭人月正當吳橘熟

一帆遙指楚楓秋塞前塞後金門迥江北江南玉樹稠

太史浮湘愛澄覽多從烟雨望皇州

戚家屯

少保老孫子開屯此地分遺弓低隴月殘吹雜邊雲竹

帛嘉隆寵河山衛霍勲只今餘父老還說義烏軍

桑園

山左無戎馬田廬桑苧肥平臯秋日下嶽色帶帆飛錘

罇牛羊雜流亡青兗稀名泉七十二處處望中微

鉄塔寺作七歌有序

骨肉睽違道途委頓感事述懷聊抒憤悵云爾子美

獻吉則予豈敢

我今行年過四十咄咄天壤饑乞食衣裾偪仄曳何門

金錢結交仗誰力憶昔生年在顯皇恨弗早死遭兵革

往來上書關塞杳前有猛獸後毒蝎嗚呼一歌兮歌始



升丈夫意氣空峻嶒  
慈父見背歲改元  
滄桑變易魚龍奔  
此時海氛家難作  
手營淺土號攀援  
負沙抱石亦人子  
何至狐兔鼠枯原  
刑方休咎理或有  
報親安得泥斯言  
嗚呼二歌兮歌莫  
懟歷歷南山色  
蒼翠  
小人有母在南紀  
昨日書來教勿仕  
減食莫止諸孫啼  
垂老如何闕嘉旨  
男兒卿相亦奚時  
出門牽犬入牧豕  
微軀未敢以許人  
歸去親前學色喜  
嗚呼三歌兮歌欲  
衰秋風吹客上高臺

有弟有弟承明姿  
大弟清穎小弟竒  
弱冠龍鳳謬相許  
致身青雲愁無資  
士不成名隱亦得  
世路風波君豈知  
負米到家六親散  
救之母使母心悲  
嗚呼四歌兮歌以  
泣鵲鴿寒原征衫濕  
有妹有妹慧黠雪  
母愛獨女逾美玦  
良人縣正未殺人  
貪吏橫噴坐縲絻  
黃狼晝瞳烏夜號  
蓬首圓扉理枷鐵  
每欲救之囊無錢  
安得天海洗暍熱  
嗚呼五歌兮歌弗  
堪急宜稽首皈瞿曇  
憶昔有孀稱賢媛  
十五箕帚持家門  
惟時祖母病不測

進食割肝為糜健行孝既畢上天去表閭不得報母恩  
媵侍連歲聞生女何獨使母無子孫嗚呼六歌兮歌最  
烈叔父抱子豈終缺

射書城頭古鐵塔瓠子東流河水納金龍玉鳳一齊飛  
四壁網蟲垂破衲鐵堂老人居其中鬪鷄角鷹五都雜  
眼穿不見魯先生英雄到此氣空咆嗚呼七歌兮歌思  
長光嶽樓前非故鄉

沉摯語不必字字規撫少  
陵而神理自合

七夕次日東郡張太守招南海程舍人讌集光嶽

樓

綺節他鄉始欲愁使君置酒最高樓窻前劍烏凌名嶽  
檻外風烟繡古州四塞黃圖雄趙魏三臺青管艷徐劉  
茂陵有客還羈泊惟見明河不斷流

七月初九日登光嶽樓四首

淡雲疎雨思悠悠閩客飄然獨上樓高倚八荒迎魏闕  
間從九點辨齊州迴旋玉鵠當空落彈壓金蛇入海流  
勿謂東行愛樓息憑欄天上瞰清秋  
樓光萬里接滄溟郭外諸峯若几屏危室星文開大國

金堂詩草  
海源隱金



一側	六國	輝輝	丹霞	白雲	矯首	聊攝	元氣	濮曹
過身	憑陵	珠網	如畫	不盡	中原	金風	蒼茫	風色
今地	秦自	日旁	畫亘	盡慈	欲放	動逝	連鉅	似西
人懷	帝高	明客	天橫	親望	歌流	波樓	鹿莫	冷夕
氣慨	風還	心南	縹緲	猶向	覽乍	頭秋	愁宮	陽鴻
壯悲	仰魯	去臨	仙人	清虛	逢新	色一	闕隔	雁九
歌每	先生	窗迥	十二	禮大	斗宿	人多	元冥	河白
讀		嶽色	城軋	羅	戰爭	驚心	山次	秋草
		東來	軋軋		空憶	上界	韻愚	牛羊
		拂檻	銀槎		舊山	還留		六郡
		清	雲際		河	轄		清
			淺					

鐵塔寺送殿生南歸

昔年	君醉	鳴犢	此地	幸隨	故人
與君	穹隆	河邊	曾鑿	高鳥	雙橈
坐鐵	吐秋	多飲	六國	傍君	此中
堂君	月月	馬何	兵蘼	飛便	去要
歌慷	明歌	須更	蕪一	攜明	知他
慨斷	發古	戍陰	片關	月送	鄉東
人腸	聊城	山下	塞白	君歸	武吟
今歲	魯連	射書	細葛	眼觀	不是
與君	先生	樓臺	悲風	瓠子	悠悠
登鐵	空復	夜色	滄海	分流	行路
塔	情	生	客	處	心

健音節極古  
烏龍潭

烏龍潭

盧荻蕭蕭六代秋  
烏龍潭接鳳凰樓  
停杯坐對鍾陵晚  
白水無情漢月留

嘲君寔寄家書

秋風秋雨滯相如  
萬里江天望鯉魚  
玉尺山前閨閣靜

讀君二十九封書

饒有風趣可云  
善謔蓉裳

再送孫無言歸黃山歌

朝馳青絲韉暮操白棠漿  
故人在蕪城明月破蕭莽  
訪君登君堂飲君坐君櫂  
南酒方數行中夜發深愴  
自言

家在黃山陽欲歸未歸竟塵鞅  
向平婚嫁無時無掉頭  
那得超世網逡巡再拜如有求  
愛我詩聲多慨慷停杯  
離席為爾歌久已卧遊意欣往  
吾聞軒轅之山何其高  
且雄去天拔地八千丈  
崔嵬彈壓勢莫當  
峰峰六六宛  
相向楚頭吳腹如鉤連  
突兀離竒信殊狀  
上蟠虎豹跋  
扈之藪宅下瞰蛟龍迴  
旋之奧藏吐納元氣包  
鴻濛南  
紀星躔百神仰傳云三  
天子之故都在馬沒汨  
嵐光失  
回嚮黃帝六飛何處尋  
容我浮邱夾行仗衣冠  
雖自葬  
橋陵萬古烏號動靈爽  
兼傳煉藥此山中  
豈有雲螭寄



夫	谿	無	所	黃	身	山	精	虛
道	翠	所	衣	固	具	魍	魂	晃
遙	巖	食	黃	非	烟	黃	天	丹
之	巨	石	亦	強	霞	熊	海	沙
虛	靈	芝	無	行	攀	青	延	為
上	障	金	所	將	藤	兕	衰	泉
嗚	問	杞	衣	視	躡	白	色	金
呼	黃	狙	箬	息	葛	晝	同	銀
此	何	公	蓬	學	或	啼	蒼	臺
山	所	椽	皮	巢	存	向	湖	美
何	游	問	烏	居	想	人	已	箴
獨	黃	黃	子	不	孫	玉	涸	良
超	亦	何	斃	用	子	祀	爰	菁
忽	無	所	問	齋	稽	珠	居	垂
而	所	處	黃	糧	首	壇	哀	露
多	游	黃	亦	宿	曰	驚	林	掌
材	陵	亦	無	旌	否	板	谷	日
宣	陽	所	所	鞞	否	蕩	風	輪
氣	洪	食	處	問	出	自	淒	月
生	崖	黃	丹	黃	黃	是	嘯	嚮
物	與	亦		何	入	君		搖

樓	山	銀						
禽	左	燭						
竹	却	更		全	能			
西	遇	殘	櫟	園	軍			
夜	當	霜	侍	郎	院			
色	筵	欲	郎	穆	健			
沉	拜	侵	倩	山	猶			
沉	季	閣	人	曉	復			
靜	心	梅	曉	蕖				
隋	花	衝	女	史				
苑	裏	臘	夜	集				
簫	粧	點	族	弟				
聲	成	疎	力	臣				
何	看	林						
處	墮	已						
尋	馬	聞						
	月	傳						
	中	箭						
	歌	收						
	起	張						
	動	角						

樓禽竹西夜色沉沉靜隋苑簫聲何處尋

冠平却遇當筵拜季心花裏粧成看墮馬月中歌起動

山左却遇當筵拜季心花裏粧成看墮馬月中歌起動

銀燭更殘霜欲侵閣梅衝臘點疎林已聞傳箭收張角

全櫟園侍郎穆倩山人曉蕖女史夜集族弟力臣

能軍院健猶復

共惆悵

歸去兮他年五嶽遙相望騎鶴來看道人詩矯首滄桑

理豈妄學仙安得為荒唐且與九垓同震盪我今送君

剪燭西牕茗雪靜定應回憶舊名珠	送君偏值月明孤纔從白紵逢歌者便過烏程問酒徒	春風依舊綠平蕪千騎東方入畫圖覽物却逢瓊樹晚	之不置	維揚觀迎春有歌兒李夢珠者君寔將游浙茗念	同在江淮獨留滯幾時得度廣陵濤	青峯啣日動飛毫人從隋帝樓前別客到滕王閣上豪	席帆西指過勞勞水落沙明吳楚高白雁戴霜隨去槩	集小范寓閣送景呂歸南昌
----------------	-----------------------	-----------------------	-----	---------------------	----------------	-----------------------	-----------------------	-------------

春流淼淼赴江門曲岸繁花別有村日下扁舟漁子笛	鑿江看花曲十首	多愁北阮中有序西秦此夕誠良覲無勞賦感甄	行厨文選側明月夜親人急鼓方搖魄高歌已入神客	夜集櫟園侍郎寓分十一真	劇興且須沽美酒流光好似轉車輪	百年粗見廣陵春望中白浪生明月座上青峯戀故人	維摩樓閣鎮相隣登覽江淮無限新萬象乍回瓊樹觀	十五日立春集高寄閣仝餞君寔
-----------------------	---------	---------------------	-----------------------	-------------	----------------	-----------------------	-----------------------	---------------

閩許必天玉著

海濱隱金



不知何處是桃源  
楊柳高樓刺繡間  
玉塘如黛綠烟鬟  
分明萬樹桃花裏  
逗出江南數點山  
帝子溝流西更東  
隋家玉樹本奇葱  
鑿江一夜花含笑  
無復君王問守宮  
丞相祠堂水接天  
桃花百里有人烟  
此來正值江潮大  
簫鼓聲中好放船  
門前流水自成蹊  
二月花開古縣迷  
却羨風流陽翟賈  
近來學唱蹋銅鞮

新鶯啼過萬花場  
艷絕誰家白面郎  
自往自來春水曲  
金丸為彈打鴛鴦

艷陽盡是惜花才  
日落江城畫角催  
芳樹無人春寂寂  
忽聞紅裡踏歌來

木蘭輕槳唱來羅  
燕子雙雙戲錦波  
無數紅粧天上落

廣陵一帶夕陽多

何來女隊燦紅霞  
窄袖宮鞋學內家  
盡日含愁情脉脉

一齊上馬別桃花

江頭日日欸雙扉  
野老啣杯望翠微  
醉後不知巾角墊

月明一路看花歸

先生與阮亭交最篤此詩想在紅橋脩禊時所作風韻格調遂爾宛肖

奉答白門王甌卜春雨見懷之作

紅花迷縣郭白鳥破江烟春雨此時至愁心何處傳縱

居臨水地莫賦定情篇潘衛方年少車裊忝接聯

揚子江樓曉望

高樓吳楚見江介接雄關晴逼諸天色春濃六代山潮

來烟樹裏人在彩雲間滄海昇平日乘槎便擬還

江上觀兵處弔曹子桓

曹氏事割據睥睨臨金湯大兒龍蛇姿忝竊倖高光觀

兵望四海其氣亦飛揚戈矛決林囿壁壘連梯航廢臺

跨江東誅討非周高遂令文髮泯不得效壺漿天心在

典午鄴京亦旋亡故邱何率律波濤隔朱方當年恣憑

眺罔敢耽懌康英雄空復盡徘徊行路傷

贈蔣漢修叅戎

城子山前暗水犀觀兵臺上草萋萋中權自識王寧朔

大道還推謝鎮西沙磧日黃閒射虎江潮霜白靜聞鷄

甘泉諸將惟公在行見東南罷鼓鼙

閩許秋天玉著

海原同少



譚家川

萬里岷峨接素秋  
烟波無限使人愁  
沙連白鳥蟠三島

磧轉黃牛繡一洲  
民業已成芳草地  
寺門空對夕陽流

揚播置礮何時罷  
明月清江得放舟

鳥島牛洲各還  
八病松厓

解組後別安定父老四首  
從安定志鈔入

作吏愛令名賦畀毋乃迂  
金錢若夜來奚由道  
強誅三

載食膏脂相報惟區區  
浩然拂衣去欲去還  
踟躕反顧

鳩鵲殘羊皮不蔽  
膚求索多意外能無  
寬征輸得罪誠

所甘但願汝  
懽愉悲風吹  
出關猶自立  
須臾

出門見駕  
驚呼我東南  
翔蕭然一行  
李敝裘仍裏  
將憶

昔在署時  
蟋蟀鳴我牀  
憂來覽衣起  
明星何煌煌  
仰見

喉舌箕中  
夜忽開張心  
知難久留此  
方非無良我  
僕亦

已疽我馬亦  
已瘡飄然一  
葉輕勿為祖  
道旁

連歲遭旱  
曠退公常蒿  
目徒跣禱東  
山齋戒及僮  
僕懸

瓶汲神泉  
計量占秋熟  
自春而徂夏  
引咎惟素服  
莫為

豐年玉但為  
荒年穀維時  
稍休豫庶無  
忝食祿行矣  
勿

興戎鼠雀非  
汝福六則炳  
王言蚤晚須  
當讀

閩許秋天玉著

海源閣

一命甫下車遠與卓魯期堅白反見誣廉吏不可為三

五銀蟾蝓皎潔常缺虧來日當別離爾輩安得私直道

故難容三黜亦士師此邦非我邦奚能緩轅綏家在滄

海東山川廼間之愧無赫赫名去後休見思

反何武傳

四章詞旨悱惻絕似元次山仁人肺

竹從狄道人家

芙蓉裳識

琅玕新綠笋初長界柳分花已過墻別院無人春寂寂

滿庭疎影學瀟湘

臨洮寒食

六時減飯護巢鴉板屋安閒即是家今日他鄉寒食好

幸無風雨送梨花

含悽無限按鐵堂流寓秦隴不應捧檄以前罷官  
而後俱皆無詩想身後篋笥舉散失矣然神物自在  
世間姑先刊現存之作以待續至而還珠者松厓



摘句

華巖寺看梅

客袍行雪濕僧飯切芹香

守歲

識時翻竹歷祈命註花經

答人

饑寒償筆墨老大負乾坤

王逸菴索祝言

小隱湖上鷗大年山中苓

送半山上人

哺烏行秀麥縛虎啣枯藤

次坤五貽華筵

鵲扇揚安石蠅書做率更

丁字沾

柳陂三士塚花港十郎城

七日寄內

寧邀青母駕莫賽紫姑祠

答幼菴

舊事苦斃散清流酸棗寒

贈同年王亦世

心知寒范叔膽許老荆卿

留春日示舍弟文玉同玉

破麓君恩厚寒機母意真

嘲諸子過安蔬園不見留之作

五字留春易千金置酒難

鱔溪懷古

斷碑文字懷提劍破屋衣冠隱賣漿



尋謝茂秦故址

岱下妻孥黃犢隱淮南賓客黑貂尊

又別元亮侍郎

枇杷落處多離曲芍藥開時是別筵

送林元之遊粵

珠崖日近黎王穴銅柱天高揭帝樓

建州通都橋成

水落彩虹疑飲馬人行明鏡好觀魚

同上

金堤掣電回征騎玉棧迎風咽戰潮

楔飲西園

白魚唼水櫻桃落黃鳥啼山芍藥開

送昌屏南歸

春歸柳上林鶯散人別花前海鶴猜

答劉旅皇

時節荷風中婦鏡闕梁梅雨左王城

春遊

芳草仍堪三日藉名花幾得百年看

送汪丈返白門

邗水帆飛過石燕  
鍾山花發對銅螭

瓜洲道上晚眺

峰堦水心連郭出  
金銀山色入秋多

補逸

陪姜司李遊興雲寺  
仝和劉黃門壁間韻四首

給事昔年閒獨咏  
法曹今日愜同遊  
亭前苔靜一花落

門外沙明二水流  
且喜寺僧迎白馬  
漫勞闕吏報青牛

到來金粟三生話  
忘却風塵萬斛愁

西傾北亂名山此  
登臨禮佛常存不染心  
出世自無衰鳳

歎住山還有老龍吟  
禪和蘓晉真堪悅  
遊興盧敖故莫

禁却被微官苦拘束  
追陪敢比二南金

芙蓉拔地望中開  
山色青從二華來  
佛地星精傳並耀



志	但	題	鐵	塵	浮	傳	頓	仙
摹	前	詠	堂	鞅	雲	聞	覺	曹
刻	人	劇	先	那	不	龍	諸	雲
諸	鋟	多	生	能	盡	象	天	錦
石	之	如	天	停	古	開	風	睹
用	木	興	才	手	今	山	日	新
垂	版	雲	不	版	情	處	好	裁
不	余	寺	羈	從	羌	西	銜	五
朽	恐	和	雖	遊	童	市	觴	燈
云	久	劉	值	藉	氏	平	停	空
乾	而	黃	簿	以	叟	迤	勒	證
隆	漫	門	書	免	攀	買	更	千
壬	滅	四	填	官	爭	馬	徘徊	人
戌	不	詩	委	評	識	城		座
午	可	亦	羽		澗	落		一
日	復	吉	檄		草	日		偈
定	識	光	旁		巖	自		孤
山	因	片	午		花	行		懸
後	與	羽	之		笑	闕		萬
學	同	也	際		共	塞		里
					迎	曲		臺

孫昭謹識

天中日西巖寺禮佛時牡丹尚未落

朱炎節序大河蒸兵氣潛消五色繒一自西行心黯澹

每逢南望淚憑陵愁無歧麥歌凡吏喜有名花供聖僧

登覽匆匆闕塞遠家山何處倚枯籐

西巖寺賞牡丹全平甫大生伯鱗正言諸子

客心苦憶東西寺佛地驚開優鉢羅亭際日來花自發

山間春去鳥猶歌爐烟不散經聲細巖水還飛梵力多

執手醉歸河路滑一枝分得供維摩

志	字	韻	蹟	鐵	須	花	新	王
諸	於	與	幾	堂	與	枝	官	負
君	版	西	徧	先	令	偏	酒	辰
子	乾	山	天	生	公	喜	命	招
又	隆	之	下	以	共	故	舊	飲
恐	壬	清	而	燕	流	人	官	西
西	戌	明	安	許	賞	來	飲	巖
山	東	眺	邑	手	無	芳	昨	寺
版	山	望	廬	筆	情	菲	日	看
字	四	數	有	擅	風	桃	花	花
久	詩	詩	存	風	雨	李	留	
而	業	而	者	雅	莫	三	今	
漫	已	已	惟	之	相	年	日	
滅	摩	顧	東	席	催	績	開	
相	崖	前	山	者		爛	酒	
與	鑄	人	之	四		燬	債	
釀	矣	俱	和	十		金	不	
金	乙	鑿	劉	餘		銀	隨	
摹	丑	其	黃	年		萬	流	
勒	同	詩	門	手		里	水	
						臺	去	

源	板	林	門	昨	而	諸
更	橋	公	禮	從	後	石
問	樵	樓	空	隴	去	垂
葭	歸	瓢	王	西	者	之
蘆	下	笠	頗	來	定	爽
戍	洋	偶	得	今	山	襖
	渡	然	毘	作	後	知
	鐵	赴	曇	江	學	必
	堂	城	趣	南	孫	有
	居	頭	靈	寓	昭	暗
	中	大	花	人	謹	中
	信	旗	開	沐	識	摸
	宿	黃	垂	白		索
	愜	縹	崖	龍		且
	寐	緲	忍	波		坐
	寤	落	草	馬		卧
	明	日	被	歇		其
	朝	暮	夾	紅		下
	欲	漁	路	螺		決
	窮	憇	上	樹		日
		上	有	入		



一片長城萬里沙  
可憐辛苦未還家  
蓬婆此日無情處  
飛上征人兩鬢花  
菁蔥玉樹映平沙  
對雪思梅不見家  
我正苦寒歸未得  
江南誰寄隴頭花  
居延西去是流沙  
蘇武當年此憶家  
若不冰霜俱歷盡  
幾時重見上林花  
山含銀樹水含沙  
何處飛帘是酒家  
此地少陵猶濩落  
傷心莫問曲江花  
中庭歷落砌堆沙  
風絮空鹽擬謝家  
笑我白頭渾似雪

那能不受萬年花  
賈生才子亦長沙  
不謂飄零出漢家  
歌得陽春將一闕  
隨風都作郢中花

送舍弟珣南歸五首選三

風霜真未慣  
努力日加餐  
笑我為官悞  
憐君行路難  
不才遭白簡  
無累羨黃冠  
他日歸與得  
相依憶六盤  
河干楊柳色  
青上遠人衣  
淚逐行雲濕  
心隨落日飛  
須憐諸娣寡  
莫念拙兄饑  
此地首陽近  
餘生甘采薇  
正得對牀熟  
奚堪牽袂悲  
長途麒麟坂  
高義鶴鴒詩  
傾

覆	豈	無	故	風	雷	應	有	時	好	為	長	鍾	計	莫	定	大	刀	期	
瑀	弟	行	將	閱	月	茲	詩	不	得	脫	稿	所	云	秋	冬	之	際	難	為
情	也	搦	筆	感	額	觸	緒	紛	來	忽	正	言	過	我	爰	竣	五	章	亟
以	正	之	陸	機	蘇	軾	其	許	我	字	呵	呵	鐵	堂	老	人	秘	識	
贈	杜	正	言																
杜	喬	天	下	士	上	叶	是	何	星	侃	侃	如	河	瀉	昂	昂	似	嶽	停
過	驚	異	度	久	坐	愧	芳	型	不	識	蒲	稍	種	空	儲	相	馬	經	
此	余	初	至	安	定	贈	杜	生	詩	也	以	綴	篇	末	始	見	吾	輩	非
草	草	相	與	云	爾	天	海	山	人	秘									

右	皆	先	生	親	筆	墨	蹟	以	贈	杜	正	言	者	杜	氏	裝	裱	成	冊
什	襲	五	世	矣	茲	從	正	言	元	孫	茂	文	借	鈔	內	如	黃	河	龍
衣	舟	看	月	鑿	江	看	花	曲	俱	已	付	梓	不	及	備	錄	外	得	未
刻	詩	若	干	首	惟	送	弟	南	歸	五	首	乃	罷	官	後	寄	寓	孫	氏
時	所	作	耳	茂	文	名	蔚	林	安	定	廩	生	後	學	安				
按	詩	起	手	似	借	用	伍	喬	星	意	松	厓							



跋

詩尚氣格匪辭也匪意也芟菅之辭淡犛童之意近而

文王之化彰鄭國之淫見矣草蛇灰線聞其聲而難見

其形覩其迹而難求其在于言意之表者乎是故得意

者忘言得調者忘意其次尚意其下焉者尚辭尚辭而

詩亡矣由漢魏而下是可徵焉吾師全詩氣格力追盛

唐而豎言命意亦宗騷選是不以意言而掩氣格者也

鑑乎宮商之間後世其必傳也夫

康熙庚戌冬月

許

閩許秋玉著

海源閣

定西門人杜詩才謹識  
鐵堂許天玉先生以閩海賢書牽絲安定罷官後僑寓  
臨洮故其遺詩頗多乾隆甲戌歲予從一老宿家借鈔  
得後集八卷至二十卷丙子春又於定西安孝廉維岱  
處借鈔得一卷至七卷後集全矣要皆王漁洋感舊集  
中所未載者顧字畫錯訛多不可辨以意逆志僅得十  
之七八雖此外不無遺珠然已足以見鐵堂矣嗟乎予  
生後鐵堂約百餘年使并時相見而親為之結襪撰杖  
詎不快哉鈔是詩竟復歎鐵堂老人之不及見我也

乾隆丙午春日

洮水後學吳鎮謹識

鐵堂名重當時而其遺集乃藉吳松厓以傳此舉此文  
匪徒增地下知己之感也

雪門姚頤跋

閩中許鐵堂先生少負盛名著述極富一時鉅公皆推  
重之芳燦少時聞於選本見其詩數章窺豹一斑每以  
未得其全為憾丙午秋洮陽吳松厓先生挾一巨編示  
余則鐵堂之全詩在焉蓋鐵堂作令定西罷官後流寓



以歿故其詩傳於臨洮者為獨多也挑燈急讀至漏下三十刻不止至其格律之蒼渾才力之雄厚前人論之已詳末學何贅焉惟是松厓先生表章前哲之苦心空井寒灰搜羅補綴俾蒙數年想慕而未見者一旦受而卒業誠為一生之快事也

乾隆丁未重陽日

梁溪後學楊芳燦跋

按鐵堂詩自序作於康熙庚戌迄乾隆庚戌適滿一百二十年矣鈔本相傳幸未湮沒今松厓先生與諸君精

選而壽之梓固屬同人雅意亦由文章有神而鐵堂之心血其精光自不可掩也

乾隆庚戌桐月

武威後學張翹謹識

軼事及題贈附

鐵堂流寓臨洮嘗娶一老嫗以備晨炊王漁洋詩所謂

許生垂老作秦贅也

張靖逆侯飛熊克復臨洮日時為滇鐵堂作詩謁之張

大悅曰君名士乃肯顧予武夫因贈四百金為潤筆今

其詩逸矣

鐵堂書法奇古狄道舊家多有存者觀其顏平原厭次

碑搨歌云余年十五學公書中道棄去徒歛歔猶知酷

愛爭坐位行索維揚歎子虛則知始學魯公後乃隨意

自成一家人然鐵堂專門詩學書蓋以餘力為之

安定孫進士昭康熙甲午解元家有鐵堂詩鈔頗稱完善後為

張觀察廷枚携去云將付梓然特空言耳今其本不知

所之矣

狄道一老宿家亦有鐵堂鈔本字小如蠶頭乃鐵堂自

以藍筆點定者後其家過於秘惜幾同禁錮予宛轉而

借鈔之即今刻之稿本也

巡茶御史許公漸之送天玉大弟之安定四首之一云爾

才真繡虎此日學驅雞荀悅申鑒睹孺子之驅列戍臯

蘭北尋源大夏西勳名秋草徧詩思隴雲迷極塞聞新

政東柯索舊題

狄道張牧公謙寄鐵堂先生詩云辭官猶自在邊州誰

識東陵是故侯旅思幾年成白髮閒身何日到滄洲槃

間越燕雙雙語塞上秦山一一游但使高懷隨處遣天

閩許必天玉著

海原園少



涯淪落亦風流

予嘗題先生詩後云閩海詩人許鐵堂雙松一曲妙漁

洋却憐白首關山月桃塢梅溪入夢長蠶頭小楷擬

瓊瑤破楮烟侵已半消讀罷臨風三嘆息如君猶自老

漁樵丁卯風流化冷烟老為秦贅亦堪憐當時誰作

鶯花主不與東山買墓田

近聞墓在安定東門外惜無人以片石表

吳鎮再識

鐵堂先生詩名政績卓越

國初讀漁洋感舊集每想見其為人乾隆甲辰謨承乏

定西雖繼後塵辦香云邈門下士秦君維嶽同安孝

廉維岱手攜一編曰此鐵堂遺稿也亟為披讀渾雄

奇倔語輒驚人惜卷帙未全塗竄過甚時方以身泣

衝劇候迎旁午耳目塵封不暇稍為蒐訂仍歸之秦

安二君因慨鐵堂生而宦不達以死死而精力所留

復若滅若沒豐獄沉埋意斗間紫氣世必有能識者

洮陽吳松厓先生先得我心勤求抄掇後集獲全登

閩許秘天玉著

海原園少

諸梓氏是拭以華陰赤土而寶鏹增芒遂長存宇宙	矣昌黎有言莫為之前雖美弗彰莫為之後雖盛弗	傳鐵堂之詩前有漁洋諸名宿而章後復得松厓先	生而傳不特九原引為知己而謨景慕曩徽表章未	連之志亦藉是大慰云爰題數語并繫以詩	口碑心版寄清謳丁卯橋荒土一抔此是山人身後	血寒於霜月碧於秋	競說才人盡愛才居然物色到塵埃延陵廿載搜羅	苦今喜高名婉劍臺
								<small>松厓常有鐵堂詩刻成</small>
								<small>即了一生心願之語</small>

潞陽後學胡紀謨謹跋



原稿校訂諸公

施閏章

尚白城

王士禛

新底城

杜濬

于皇岡

李念慈

吧瞻陽

顧夢游

與治寧

吳國對

五隨

王岱

衡山長

周茂源

宿來亭

韓詩

聖秋

王士貞

新上城

申涵光

鳧盟

吳綺

江次都

梅磊

杓同

陳允衡

伯幾

鄒祇謨

武進士

李昌祚

文孫

閩許必天玉著

海源閣

宋	梁	牛	盛	王	張	許	紀	姜
彌	彬	運	元	維		應	圖	
德	正	震	珍	新	謙	友	鐘	南
州	蒙	野	常	仲	狄	狄	有	山
	泉	石	熟	圭	道	道	介	滙
		陽	谷		菴	公	門	陰
							紫	思

魏	楊	劉	牟	亢	孫	孫	李	宗
斗	維	紹	繼	英	宜		長	
煥	棟	放	祖	才	纘	默	苞	觀
金	襄	三	狄	狄	狄	無	華	蕪
城	陵	原	道	道	道	言	亭	城
	夫	晚	武	儒	之		西	問



金代官印

海源閣





